



Washington Office of Superintendent of
PUBLIC INSTRUCTION

*Fa'aaliga o Faasologa o
Auala e Puipuia ai A'oa'oga
Faapitoa mo Tamaiti A'oga
ma o Latou Aiga*

2023

FA'AALIGA O FAASOLOGA O AUALA E PUIPUIA AI A'OA'OGA FAAPITOA MO TAMAITI A'OGA MA O LATOU AIGA

Manaoga i lalo o le Vaega B o Tulafono o A'oga a Tagata Taitoatasi e iai Aafiaga Tumau o le Soifua (Individuals with Disabilities Education Act), Tulafono Faatonutonu a le Malo, ma Tulafono Laiti e Pulea ai A'oa'oga Faapitoa

Oketopa 2023

Dr Tania May

Asiasi A'oga Lagolago o A'oa'oga Faapitoa

Saunia e:

- **A'oa'oga Faapitoa (Special Education)**
speced@k12.wa.us | 360-725-6075



Washington Office of Superintendent of
PUBLIC INSTRUCTION

ANOTUSI

Faamatalaga Lautele	6
Fa'aliga o Faagasologa o Auala e Puipuia Ai	6
Fa'aaliga Tusitusia Muamua	7
Gagana Patino	8
Meli Faaeletoroni.....	8
Faatagana a Matua – Faaugaga.....	8
Faatagana a Matua – Manaomiaga.....	9
Faatagana mo le Uluai Iloiloga.....	9
Tulafono Laiti Faapitoa mo Uluai Iloiloga o Tamaiti i Lalo o le Tausiga a le Setete.....	9
Faatagana a Matua mo Uluai Auaunaga ma le Faaleaogaina o le Faatagana mo le Fa'aaauuina o Auaunaga.....	10
Faatagana a Matua mo le Toe Iloiloina.....	11
Faamaumauga o Taumafaiga Talafeagai ina ia Maua mai ai le Faatagana a Matua	11
O isi Faamatalaga o Faatagana	11
Iloiloga Faalea'oa'oga Tuma'oti	12
Faaugaga	12
Aiā Tatau a Matua i se IEE Totogia mai Tupe Fa'aalu a le Malo.....	12
Iloiloga na Faama'ite e Matua.....	12
Talosaga mo Iloiloga a Faamasino Faitulafono (ALJ).....	13
Taiala Faavae a le Itumalo	13
Agatapuia o Faamatalaga Faauga	13
Faamatalaga Patino e Iloa ai.....	13
Fa'aaliga i Matua	14
Maua o Aiā Tatau	14
Faamaumauga o Faatagana	15
Faamaumauga o Tamaiti e sili atu ma le Toatasi.....	15
Lisi o Ituaiga ma Nofoaga o Faamatalaga.....	15
Pili	15
Teuteuga o Faamaumauga i le Talosaga a Matua.....	15
Avanoa mo se Tolaulauga, Faasologa o Tolaulauga, ma Faauga o Tolaulauga	15
Faatagana mo le Faalauiloaina o Faamatalaga Patino e Iloa ai.....	16
Puipuiga mo Faamatalaga Patino e Iloa ai.....	16
Faaleaogaina, Taofiga, ma le Teuina o Faamatalaga.....	17
Faasologa o Auala e Iugafonoina ai Fe'eseeseaiga o A'oa'oga Faapitoa	17
Soalaupulega	17
Aotelega.....	17
Lē Fa'aitū'au o le Tagata e Faia Soalaupulega.....	18
Maliega ua Ausia i le Soalaupulega.....	18
Eseesega i le Suesuega o Faaseā o A'oa'oga Faapitoa i Nuu ma Alalafaga ma Faagasologa o Tolaulauga Tatau.....	18
Faiga Faavae Faasolo o Faaseā a Nuu ma Alalafaga	19
Failaina o se Faaseā	19

Suesuega o Faaseā.....	20
Suesuega, Fa'aopo'opoga, Faaiuga Tusitusia	20
Faaleleia o Faaseā.....	20
Faaseā o le Faapotopotoga o A'oa'oga Faapitoa ma Tolaulauga e Tatau ona Fai.....	20
Faasologa o le Faiga o Tolaulauga	21
Aotelega.....	21
Failaina.....	21
Fa'aaliga e Manaomia ae lei faia le Talosaga o le Tolaulauga na Tatau on fai	21
Ausia Tulaga mo se Talosaga o le Tolaulauga.....	22
Teuteuga o Talosaga o se Tolaulauga	22
Tali a le Itumalo i le Talosaga mo se Tolaulauga.....	22
Tali a Le isi Itū i le Talosaga o Tolaulauga.....	22
Pepa Faatumu Faataitai.....	23
Faatonuina o Tamaiti A'oga A'o Faatalitali Tolaulauga	23
Faasologa o le Faiga o Iugafono	24
Fonotaga o Faiga Iugafono	24
Vaitaimi e Fai ai Iugafono.....	24
Fesuaiga i le 30-aso Faakalena o le Vaitaimi o Iugafono.....	25
Maliaga Tusitusia Ausia.....	25
Vaitaimi Toe Iloilo o Maliaga	25
Faasologa o Tolaulauga lē Fa'aitū'au.....	25
Aotelega.....	25
Faamasino Faitulafono (ALJ).....	26
Mataupu Tāua o le Faasologa o le Tolaulauga	26
Taimi mo le Talosagaina o se Tolaulauga	26
Tuusaunoaga i le Taimi.....	26
Aiā Tatau o Tolaulauga	26
Aotelega.....	26
Faalauiloa Faapopo o Faamatalaga.....	27
Aiā Tatau a Matua i Tolaulauga.....	27
Taimi ma le Faafaigofie o Tolaulauga	27
Faaiuga o Tolaulauga	27
Faaiuga a le ALJ.....	27
Fuaiupu Fausaga.....	28
Talosaga Ese mo se Faasologa o se Tolaulauga	28
Sailiiliga ma Faaiuga i le Laulau Faufautua ma le Mamalu Lautele.....	28
Faaiuga Mautū; Apili	28
Tagi Faafaamasinoga, E Aofia ai Vaitaimi e Faila ai Tagi.....	28
Aotelega.....	28
Faatapulaaina o le Taimi	29
Faiga Faavae o Faasologa Fa'aopopo.....	29
Tulafono Laitiiti Fausaga	29
Pili a le Loia.....	29
Aotelega.....	29

Tuuina Atu o Pili.....	30
Faiga Faavae o Faasologa o Amioga Pulea mo Tamaiti A’oga Agavaa mo A’oa’oga Faapitoa	31
Pule a Tagata Faigaluega o le A’oga.....	31
Faamautuuga i lea Mataupu ma lea Mataupu	31
Aotelega.....	31
Suiga o le Nofoga e Faatonu Ai Ona o le Tuueseeseina Tau Amioga Pulea.....	31
Fa’aaliga	32
Auaunaga.....	32
Faamautu o le Mafuaaga.....	33
Faamautuina o le Amioga na Mafua Ona o Aafiaga Tumau o le Soifua o le Tamaitiiti A’oga	33
Pule Fa’aopopo.....	33
Tulaga Faapitoa.....	33
Faauigaga	34
Faamautuina o Nofoga.....	34
Apili o Faaiuga o Nofoga e Tuu ai ma Aiaiga O Mea na Tupu Na Mafua ai (Faasologa o le Faiga o Tolaulauga)).....	34
Pule o le Faamasino Faitulafono (ALJ).....	35
Faatonu i le Faasologa o Tolaulauga Faanatinati.....	35
Puipuiga mo Tamaiti A’oga E Lei Agavaa mo A’oa’oga Faapitoa ma Auaunaga e Faatatau i ai	36
Aotelega.....	36
Faavae o le Iloa mo Amioga Pulea.....	36
Tuusaunoaga.....	36
Tuutuuga e Tatau i ai Pe Afai e Lei se Faavae o le Iloa	36
Faasee i le ma Faaiuga o Faalapopotoga e Faamalosia Tulafono ma le Pulega Faaletulafono	37
Pasi Atu o Faamaumauga.....	37
Manaoga mo le Faatonuina e Matua o Tamaiti A’oga i A’oga Tuma’oti ae Totogi e le Malo Pe a Faaletonu le FAPE.....	37
Tupe toe Totogi Mai mo le Faatonu i A’oga Tuma’oti	37
Faatapula’aina o Tupe Toe Totogi.....	37
Alaga’oa	37
Fa’aaliga Faaletulafono	37

FAAMATALAGA LAUTELE

O Tulafono o A'oga a Tagata Taitoatasi e iai Aafiaga Tumau o le Soifua (Individuals with Disabilities Education Act, IDEA) o le 2004, e faatatau i le a'oa'oina o fanau a'oga e i ai aafiaga tumau, e manaomia a'oga ina ia tuuina atu ia oe, le matua o se tamaitiiti a'oga e i ai aafiaga tumau, po o aafiaga tumau masalomia, se fa'aaliga o loo i ai se faamatalaga atoa o aiā tatau o loo avanoa ia oe i lalo o le IDEA ma le Tulafono Laiti o Tulafono Faatonutonu Feterale (Code of Federal Regulations, CFR) a le U.S. Department of Education. O le OOfisa o le Asiasi Aoga o Faatonuga Faalemalo (Office of Superintendent of Public Instruction, OSPI) e va'aiga tulafono laiti a le setete o loo pulea ai le tuuina atu o a'oa'oga faapitoa. O nei tulafono laiti o loo maua i le Mataupu 392-172A Tulafono Laiti Faafae a Uosigitone (Washington Administrative Code, WAC). O lenei pepa o faamatalaga e usitaia le faiga faataatia a le U.S. Department of Education *Fa'aaliga o Faasologa o Auala e Puipuia ai A'oa'oga Faapitoa*, na toe iloilo ia Luni 2009.

O lenei fa'aaliga e mo matua, matua fai, ma fanau a'oga matutua. O vaega o loo tā'ua ai "oe" po o "matua" ma "lou alo" e faapea foi ona apalai i matua fai ma fanau a'oga matutua. O vaega o loo tā'ua ai i lenei fa'aaliga o le "itumalo faalea'oga" po o le "itumalo" e aofia ai a'oga togipau, ma isi faalapotopotoga faalemalo, e pei o itumalo tau auaunaga faalea'oa'oga ma faalapotopotoga o auaunaga faalea'oa'oga.

O faamatalaga fa'aopopo e uiga i faamatalaga o auaunaga o a'oa'oga faapitoa ma nei Faagasologa o Auala e Puipuia Ai e maua e ala i le faafesootai o le faatonusili o a'oa'oga faapitoa i lau itumalo faalea'oga faalotoifale, le ofisa tutotonu o faamatalaga ma a'oa'oga a matua o le setete, Faigapaaga mo Leo mo le Faamalosi (Partnerships for Action Voices for Empowerment, Washington PAVE), pe ala i le OSPI. E tausisia e le OSPI se itulau o upega tafa'ilagi e fa'amalamalama ai a'oa'oga faapitoa i le [Office of Superintendent of Public Instruction – A'oa'oga Faapitoa](#). E i ai supavaisa a le polokalame a le OSPI ma tagata fesoasoani o matua ma nuu ma alalafaga o a'oa'oga faapitoa e fesoasoani ai ia oe i fesili e uiga i polokalame o a'oa'oga faapitoa a lou alo. Atonu e mafai ona e faafesootai atu i le OSPI, A'oa'oga Faapitoa i le 360-725-6075, OSPI TTY 360-664-3631, po o le [Imeli OSPI A'oa'oga Faapitoa](#).

Fa'aliga o Faagasologa o Auala e Puipuia Ai 34 CFR §300.504; WAC 392-172A-05015

O se kopi o lenei fa'aaliga e tatau ona tuuina atu ia oe i tausaga a'oga taitasi, ma: i le ulua'i faasinomaga po o lau talosaga mo iloiloga; ina ua maua e le itumalo lau faaseā muamua o faapotopotoga o a'oa'oga faapitoa i totonu o le tausaga a'oga; ina ua mauaina e le itumalo lau talosaga o tolaulauga ua tatau ona fai i totonu o le tausaga a'oga; pe a faia se faaiuga e fai ai se faiga e faafae ai amioga pulea e faapea e faia ai se suiga i nofoaga; ma i luga o lau talosaga.

O lenei *Fa'aaliga o Faasologa o Auala e Puipuia ai A'oa'oga Faapitoa* e aofia ai faamatalaga atoa o faasologa o auala e puipuia ai e patino i le faatonuina o lou alo i se a'oga tuma'oti ae totogi e le mamalu lautele, faagasologa e fai ai faaseā i le faapotopotoga o a'oa'oga faapitoa, faatagana ua faailoa, o auala e puipuia ai o loo i ai i le Subpart E o le Vaega B o le tulafono faatonutonu IDEA, ma le faalilolilo o le tuuina atu o faamatalaga o loo i le Subpart F o le Vaega B o tulafono faatonutonu

IDEA. Atonu e filifili le itumalo e fa'aoga lenei Fa'aaliga pe faavae se latou lava *Fa'aaliga o Faasologa o Auala e Puipuia ai A'oa'oga Faapitoa* i matua.

Fa'aaliga Tusitusia Muamua

34 CFR §300.503; WAC 392-172A-05010

E tatau i lau itumalo faalea'oga ona tuuina atu ia oe faamatalaga tusitusia e uiga i faaiuga tāua e faapea ona afaina ai polokalame faalea'oa'oga faapitoa a lou alo. O le mea lea e ta'ua o le fa'aaliga tusitusia muamua (prior written notice, PWN) ma o se pepa o faamatalaga e iloa ai faaiuga sa faia i se fonotaga pe ala i le tali mai a le itumalo i se talosaga na e faia. **E manaomia e le itumalo ona lafo atu ia oe se fa'aaliga tusitusia muamua pe a uma ona fai se faaiuga, ae lei faatinoina le faaiuga.** O faaiuga nei e faatatau i talosaga poo itū tete'e ina ia faatino pe sui le faailoaina, iloiloga, faatonuina, po o le tuuina atu o a'oa'oga faalemalo talafeagai lē totogia (free appropriate public education, FAPE) i lou alo.

E tatau ona aofia i se fa'aaliga tusitusia muamua:

- Poo ā manatu laa fa'atuina pe tete'e iai le itumalo;
- O se faamalamalamaga pe aisea ua fa'atuina pe tete'e le itumalo i se gaioiga;
- O se faamatalaga o se isi filifiliga sa iloiloaina e le vaega o polokalame faalea'oa'oga a tagata taitoatasi (individualized education program, IEP) ma mafua'aga na te'ena ai filifiliga na;
- O se faamatalaga o faasologa, saililiga, faamaumauga, po o ripoti o iloiloga taitasi na fa'aoga faapea o se faavae mo le gaioiga;
- O se faamatalaga o se isi vaega e faatatau i le gaioiga;
- O se faamatalaga o soo se faasologa o iloiloga e faatuina e le itumalo e faatautaia ai le uluai iloiloga ma soo se iloiloga e toe fai;
- O se faamatalaga e faapea o matua o loo puipuia i lalo o le Faasologa o Auala e Puipuia Ai o loo faamatalaina i totonu o lenei tusi taulima;
- E faapefea ona e mauaina se kopi o lenei tusitaulima o *Fa'aaliga o Fa'aaliga o Auala e Puipuia ai A'oa'oga Faapitoa*; pe aofia ai se kopi o lenei tusitaulima o le *Faasilasilaga o Faasologa o Auala e Puipuia ai A'oa'oga Faapitoa* pe afai e lei tuuina atu se tasi ia oe; ma
- O alaga'oa mo oe e faafesootai ai e maua ai fesoasoani ina ia malamalama ai i nei Faagasologa o Auala e Puipuia Ai.

O faataitaiga po o afea o le a e maua ai se fa'aaliga tusitusia muamua o:

- E manao le itumalo e iloilo pe toe iloilo lou alo, po ua musu le itumalo e iloilo pe toe iloilo lou alo.
- Ua suia le IEP poo le nofoaga o le a'oga e tuu ai lou alo.
- Ua e fesili mai mo se suiga ma o loo musu le itumalo e fai se suiga.
- Ua e tuuina atu se fa'aaliga tusitusia i le itumalo e faapea o le'a e faaleaogaina le faatagana mo lou alo e maua ai auaunaga o a'oa'oga faapitoa.

O fa'aaliga tusitusia muamua e tatau ona tusia i se gagana e malamalama ai le mamalu lautele ma tuuina atu i lau gagana patino poo isi auala o fesootaiga e faapea ona e fa'aaogaina, sei vagana ai ua manino ua lē mafai ona faia. Afai o lau gagana patino po o isi auala o fesootaiga e lē o se gagana tusitusi, e tatau i le itumalo ona faia auala ina ia mautinoa ai faapea: (1) o le fa'aaliga o loo faaliliuina tuugutu po o isi auala i lau lava gagana po o isi auala o faatalanoaga; (2) e te

malamalama i mea o i le fa'aaliga; (3) o loo i ai molimau tusitusia faapea o mea e manaomia i lalo o le (1) ma le (2) ua ausia.

Gagana Patino

34 CFR §300.29; WAC 392-172A-01120

O le *Gagana Patino*, pe a fa'aaoga e faatatau i se tagata e toatasi e faapea o se tagata o loo a'oa'oina le gagana Igilisi, o lona uiga:

1. O le gagana e masani ona fa'aaoga e lenā tagata, po o, i le tulaga o se tamaitiiti, o le gagana e masani ona fa'aaoga e matua o le tamaitiiti.
2. I fesootaiga tuusa'o uma i le tamaitiiti (e aofia ai le iloiloga o le tamaitiiti), o le gagana e masani ona fa'aaoga e le tamaitiiti i le aiga po o nofoaga o a'oa'o ai.

Mo se tagata e tauaso pe logonoa pe faigata ona lagona, po o se tagata e leai se gagana tusitusi, o le auala o fesootaiga o le auala e masani ona fa'aaoga e lea tagata (e pei o le gagana faitaga, gagana faitau a le au tauaso, po o gagana tautala).

Meli Faaletoroni

34 CFR §300.505; WAC 392-172A-05020

Afai e filifili lou itumalo e ofoina atu i matua le filifiliga e maua ai pepa o faamatalaga e ala i imeli, atonu e te filifili ia maua atu mea nei e ala i le imeli:

1. Fa'aaliga tusitusia muamua;
2. *Fa'aaliga o A'oa'oga Faapitoa o Faasologa o Auala e Puipuia Ai*; ma
3. Fa'aaliga e faatatau i le faasologa o talosaga o tolaulauga ua oo i ai.

Faatagana a Matua – Faauigaga

34 CFR §300.9; WAC 392-172A-01040

O le uiga o le *faatagana*:

1. Ua faailoa atu ia oe i lau gagana patino po o isi auala o fesootaiga (e pei o gagana faitaga, gagana a le au tauaso (braille), po o gagana tautala) faamatalaga uma e faatatau i le gaiouiga e faapea ua tuuina atu ai le faatagana;
2. Ua e malamalama ma e malie tusitusia i lenā faatinoga, ma o loo faamatalaina e le faatagana lena faatinoga ma lisi faamaumauga (pe afai e i ai) o le a faamatuuina atu ma po o ai e tuuina atu ai; ma
3. Ua e malamalama faapea e sa'oloto le faatagana, ma e te ono faaleaogaina (faui mai i tua) lau faatagana i soo se taimi.

Afai ua e manao e toe faaleaoga lau faatagana ina ua uma ona amata ona maua e lou alo auaunaga o a'oa'oga faapitoa, e tatau ona e tusia se tusi. O lau faui mai i tua o lau faatagana e lē tuuina ai (tatalaina) se gaiouiga sa amata ina ua uma ma a e te lei toe faui maia i tua lau faatagana. E fa'aopopo i ai, e lē manaomia ona toe suia (sui) e le a'oga faaitumalo faamaumauga faalea'oa'oga a lou alo ina ia aveese ai ni mea e iloa ai le mauaina e lou alo auaunaga o a'oa'oga faapitoa.

Faatagana a Matua – Manaomiaga

34 CFR §300.300; WAC 392-172A-02000; WAC 392-172A-03000

Faatagana mo le Uluai Iloiloga

E lē mafai e lou itumalo ona faatautaia se uluai iloiloga o lou alo ina ia faamautu ai agavaa mo a’oa’oga faapitoa ma auaunaga e faatatau i ai seiloga e tuuina atu ia oe se fa’aaliga tusinga muamua e faamatalaina ai galuega iloilo o loo faamoemoe e fai ma maua mai lau faatagana, tusinga ua e iloaina. E tatau i lau a’oga faaitumalo ona taumafai i le malosi e tatau ai ina ia maua mai lau faataga aloaia mo se uluai iloiloga ina ia filifili ai pe mata e agavaa lou alo mo a’oa’oga faapitoa.

O lau faatagana mo se iloiloga muamua e lē faapea ua e tuuina atu lau faatagana mo le itumalo ina ia amata ai ona tuuina atu a’oa’oga faapitoa ma auaunaga e faatatau i lou alo. O le itumalo faalea’oga foi e tatau ona mauaina mai se faatagana mai ia oe ina ia tuuina atu ai i lou alo a’oa’oga faapitoa ma auaunaga e tatau i ai mo le taimi muamua.

Afai ua resitala lou alo i a’oga a le malo poo e saili ina ia resitala lou alo i se a’oga a le malo ma ua e musu e tuuina atu lau faatagana, pe ua lē mafai ona e tali atu i se talosaga e tuuina atu ai se faatagana mo se uluai iloiloga, e ui ina lē manaomia, **e ono** taumafai lou itumalo ina ia maua atu lau faatagana e ala i le fa’aaogaina o se soalaupulega po o le faasologa o le faiga o tolaulauga, e pei ona faamatalaina i se taimi mulimuli ane i lenei fa’aaliga. O le a lē solia e lou itumalo ona matafaioi ina ia maua, faailoa, ma iloilo lou alo pe afai e filifili e lē faataunuuina se iloiloga o lou alo i lea tulaga.

Tulafono Laiti Faapitoa mo Uluai Iloiloga o Tamaiti i Lalo o le Tausiga a le Setete

Afai o lou alo o se tamaitiiti o i lalo o le tausiga a le setete ma e lē nofo ia oe, e lē manaomia e le a’oga faaitumalo se faatagana mai ia oe mo se uluai iloiloga ina ia faamautu ai pe agavaa lou alo mo a’oa’oga faapitoa pe afai;

1. E ui lava i taumafaiga talafeagai e mafai ai, e lei mafai e le itumalo ona maua oe;
2. Ua faamutaina au aiā tatau faapea o oe o le matua e tusa ai ma tulafono a le setete; po o
3. Ua atofaina e se faamasino le aiā tatau e fai ai faaiuga faalea’oa’oga i se tagata ae lē o oe ma o lenā tagata ua ia tuuina atu le faatagana mo se uluai iloiloga.

O se *tamaitiiti i lalo o le tausiga a le setete*, e pei ona fa’aaogaina i le IDEA, o lona uiga o se tamaitiiti ua avea:

1. O se tamaitiiti tausia faaetulafono ua lē o tuuina i matua tausii faaetulafon;
2. Ma se tamaitiiti tausii i lalo o le setete i lalo o tulafono a le setete o Washington; po o
3. Ma se tamaitiiti i lalo o le tausiga faaetulafono a le Department of Children, Youth, and Families po o se isi faalapotopotoga a le malo mo le manuia o fanau i le setete.

O se *tamaitiiti i lalo o le tausiga a le setete* e lē aofia ai se tamaitiiti o loo i ai matua tausii.

Faatagana a Matua mo Uluai Auaunaga ma le Faaleaogaina o le Faatagana mo le Fa'aauauina o Auaunaga

E tatau i lau a'oga faaitumalo ona taumafai malosi e tatau ai ina ia maua mai lau faatagana tusitusia aloaia ma e tatau ona maua aloaia mai lau faatagana tusitusia ae lei tuuina atu a'oa'oga faapitoa ma auaunaga e faatatau i ai i lou alo mo le taimi muamua.

Afai e te lē tali mai i se talosaga ina ia tuuina atu lau faatagana mo lou alo ina ia tuuina ai a'oa'oga faapitoa ma auaunaga e faatatau i ai mo le taimi muamua, pe ua e lē manao e tuuina atu lea faatagana, e ono lē fa'aogaina e lou itumalo auala o le soalaupule ina ia taumafai ia maua mai lau maliega pe fa'aaoga le faasologa o tolaulauga e fai ai ina ia maua mai se faaiuga mai se faamasino faatulafono ina ia tuuina atu a'oa'oga faapitoa ma auaunaga e faatatau i ai i lou alo.

Afai e te musu pe e te lē tali mai i se talosaga ina ia tuuina mai lau faatagana mo lou alo ina ia maua ai a'oa'oga faapitoa ma auaunaga e faatatau i ai mo le taimi muamua, e ono lē tuuina atu e le a'oga faaitumalo a'oa'oga faapitoa i lou alo ma auaunaga e faatatau i ai. I le tulaga lea, o lau a'oga faaitumalo:

1. E lē o solitulafono i manaoga ina ia tuuina atu a'oa'oga faalemalo talafeagai lē totogia (FAPE) i lou alo ona ua lē mafai ona ua tuuina atu auaunaga na i lou alo; ma
2. E lē manaomia ina ia faia se fonotaga a le IEP pe faatino se IEP mo lou alo mo a'oa'oga faapitoa ma auaunaga e faatatau i ai sa talosagaina ai lau faatagana.

O le taimi lava e te tuuina atu ai lau faatagana tusitusia mo lou alo ina ia maua ai a'oa'oga faapitoa ma auaunaga e faatatau i ai ma amata e le itumalo ona tuuina atu auaunaga o a'oa'oga faapitoa, o le ā tumau le agavaa o lou alo e maua ai auaunaga o a'oa'oga faapitoa seiloga e:

1. Toe iloilo ina ma maua ai e lē o toe agavaa mo auaunaga o a'oa'oga faapitoa;
2. E faauu i se tipiloma masani o a'oga maualuga;
3. Ua ausia i latou le tausaga 21 (poo le ausia o le 21 ina ua uma le aso 31 o Aokuso, e agavaa i latou mo auaunaga seia faaiu le tausaga a'oga.); pe
4. E te tuuina mai i le itumalo lau faatagana tusitusia o le faaleaogaina o lau faatagana mo le fa'aauauina o le mauaina o auaunaga o a'oa'oga faapitoa.

Afai e te faaleaogaina lau faatagana e ala i le tusi mai mo le fa'aauauina o auaunaga o a'oa'oga faapitoa ina ua uma ona tuuina atu e le itumalo auaunaga o a'oa'oga faapitoa, e tatau i le itumalo ona tuuina atu ia oe le *fa'aaliga tusitusia muamua* i se taimi talafeagai ae lei taofia le tuuina atu o auaunaga o a'oa'oga faapitoa i lou alo. O le fa'aaliga tusitusia muamua o le a aofia ai le aso e faapea o le a taofia ai e le itumalo ona tuuina atu auaunaga i lou alo ma o le a faailoa atu faapea o le itumalo faalea'oga:

1. E lē o solitulafono i manaoga ina ia tuuina atu a'oa'oga faalemalo talafeagai lē totogia (FAPE) i lou alo ona ua lē mafai ona ua tuuina atu auaunaga na i lou alo; ma
2. E lē manaomia ina ia faia se fonotaga a le IEP pe faatino se IEP mo lou alo mo auaunaga tau a'oa'oga faapitoa.

E ono lē fa'aaoga e le itumalo le faiga faasologa faavae e faaleaogaina ai lau tusi faaleaogaina pe fa'aaoga auala o le soalaupule ina ia maua ai lau maliega ina ia fa'aauau ona tuuina atu auaunaga o a'oa'oga faapitoa i lou alo. A uma ona taofia e le itumalo le tuuina atu o auaunaga o a'oa'oga faapitoa i lou alo, ua iai lou manatu faapea ua lē toe agavaa lou alo mo auaunaga o a'oa'oga faapitoa ma ua aiaia i lalo o manaomiaga e faapea ona apalai i tamaiti a'oga uma. E ono mafai ona

e po o isi e masani i lou alo, e aofia ai le a’oga faaitumalo, faasinoina le tamaitiiti mo se uluai iloiloga i soo se taimi ina ua uma ona e faaleaogaina lau faatagana mo lou alo ia maua ai a’oa’oga faapitoa.

Faatagana a Matua mo le Toe Iloiloina

Afai e faatautaia ni suega fou e avea o se vaega o le toe iloiloina o lou alo, e tatau i lou itumalo ona maua mai lau faatagana aloaia ae lei toe iloiloina lou alo, sei vagana ai faapea e mafai e lou itumalo ona faailoa faapea:

1. Na faia laasaga talafeagai ina ia maua ai lau faatagana mo le toe iloiloina o lou alo; ma
2. E te le’i tali mai.

Afai ua e tete’e i suega fou e avea o se vaega o le toe iloiloina o lou alo, e ono faia, ae lē manaomia, e le itumalo le toe iloiloina o lou alo e ala i le fa’aaogaina o auala e fai ai le soalaupule ina ia saili ai se maliega mai ia oe pe fa’aaoga le faiga o faasologa o tolaulauga ua tatau ona i ai ina ia faaleaogaina ai lou tete’e e faataga le toe iloiloga o lou alo. I tulaga o le uluai iloiloga, e lē solitulafono lou itumalo i ona tiute tauave i lalo o le Vaega B o le IDEA pe afai e te’ena le tuliloaina o le toe iloiloga e fa’aaoga ai le soalaupule po o le faasologa o auala e fai ai.

Faamaumauga o Taumafaiga Talafeagai ina ia Maua mai ai le Faatagana a Matua

E tatau i lau a’oga ona teu faamaumauga o taumafaiga talafeagai ina ia maua mai lau faatagana mo le uluai iloiloga, ina ia tuuina atu ai a’oa’oga faapitoa ma auaunaga e faatatau i ai mo le taimi muamua, ina ia faatautaia se toe iloiloga e faapea ona aafia ai suega fou, ma ina ia maua mai matua o tamaiti o i lalo o le tausiga o le setete mo le iloiloga muamua. E tatau ona aofia i pepa o faamatalaga se faamaumauga o taumafaiga a le itumalo i vaega nei, e pei o:

1. Faamaumauga auiliili o talanoaga poo taumafaiga i luga o telefoni ma faaiuga o nā faatalanoaga i telefoni;
2. Ni kopi o fesootaiga na lafo atu ia oe ma soo se tali na maua mai; ma
3. Auiliiliga o faamaumauga o asiasiga i lou aiga po o le galuega ma iuga na maua mai i nā asiasiga.

O isi Faamatalaga o Faatagana

E lē manaomia lau faatagana ae le’i taumafai lou itumalo:

1. E iloilo faamaumauga o loo i ai nei e avea o se vaega o le iloiloga a lou alo po o le toe iloiloga; po o
2. E tuuina atu se suega i lou alo po o isi iloiloga e faapea na tuuina atu i tamaiti a’oga uma sei vagana ai, ae lei tuuina atu le suega po o le iloiloga, e manaomia le faatagana mai matua uma o tamaiti a’oga.

Afai ua resitala lou alo i se a’oga tuma’oti ae totogi lava e oe po o afai o loo e fa’aa’ogaina i le fale lou alo, ma ua e lē tuuina mai lau faatagana mo le iloiloga o lou alo po o le toe iloiloga, po ua e lē mafai ona e tali mai i se talosaga e tuuina mai ai lau faatagana, e ono lē fa’aaogaina e le itumalo auala e fai ai le soalaupule ina ia maua mai lau maliega pe fa’aaoga faasologa o auala e fai ai tolaulauga ina ia pulea ai lou tete’e. E lē manaomia foi le vaavaai o le itumalo i lou alo pe agavaa e maua auaunaga tutusa o a’oga tuma’oti, e faapea o auaunaga o loo avanoa i nisi tamaiti a’oga ua faatonu e matua i a’oga tuma’oti mo a’oa’oga faapitoa.

Iloiloga Faalea'oa'oga Tuma'oti

34 CFR §300.502; WAC 392-172A-05005

E i ai lau aiā tatau ia maua ai se iloiloga faalea'oa'oga tuma'oti (independent educational evaluation, IEE) o lou alo pe afai e te lē malie i le iloiloga faapea na faatautaia e lau itumalo. Afai e te talosagaina se IEE, e tatau i le itumalo ona tuuina atu ia oe faamatalaga e faatatau i vaega e te ono maua mai ai se IEE ma aiaiga a le itumalo e faatatau i le IEE.

Faauiigaga

- *Iloiloga faalea'oa'oga tuma'oti* (IEE) o lona uiga o se iloiloga e faatautaia e se au suesue agavaa e lē o faafaigaluegaina e le itumalo e fitoitonu i ai le a'oga a lou alo.
- *Tupe fa'aalu a le malo* o lona uiga faapea a lē totogia atoa e le itumalo le iloiloga, e faamautinoa e latou le tuuina atu ia oe le iloiloga e aunoa ma se totogi.

Aiā Tatau a Matua i se IEE Totogia mai Tupe Fa'aalu a le Malo

E i ai lau aiā tatau i se IEE a lou alo ae totogi i tupe a le malo pe afai e te lē malie i se iloiloga o lou alo na faatautaia e lou itumalo, e ala i tuutuuga nei:

1. Afai e te talosagaina se IEE o lou alo ae totogi i tupe a le malo, e tatau i lau a'oga faaitumalo, i totonu o le 15 aso faakalena o lau talosaga, **e:** (a) faila se talosaga o se tolaulauga e tatau ona i ai ia iloa ai faapea o le iloiloga o lou alo e talafeagai po o le iloiloga o lou alo na e mauaina e lei ausia tulaga a le itumalo; **pe** (b) malie ina ia tuuina atu se IEE e totogi i tupe a le malo.
2. Afai e talosaga e lau a'oga faaitumalo se tolaulauga e tatau ai ma o le faaiuga mulimuli e faapea mai o le iloiloga o lou alo e talafeagai, e i ai pea lau aiā tatau i se IEE, ae lē totogi e tupe faaalu a le malo.
3. Afai e te talosagaina se IEE o lou alo, atonu e fesili atu lau a'oga faaitumalo pe aisea ua e tete'e ai i le iloiloga na faatautaia e le itumalo. Ae ui i lea, e ono lē manaomia e le itumalo se faamatalaga ma e ono lē faatuai le tuuina atu o le IEE a lou alo ae totogi i tupe faaalu a le malo poo le failaina o se talosaga mo se tolaulauga e tatau ona fai e puipuia ai le iloiloga a le itumalo o lou alo.

E na o le tasi lava le talosaga mo se IEE e agavaa ai lou alo ae totogi i tupe faaalu a le malo i soo se taimi e faatautaia ai e lau a'oga faaitumalo se iloiloga o lou alo e faapea na e lē malie i ai.

Iloiloga na Faama'ite e Matua

Afai na e mauaina se IEE o lou alo ae totogi i tupe faaalu a le malo pe sa e tuuina atu i le itumalo se IEE sa e totogiina e au oe lava tupe:

1. E tatau i le itumalo ona vaavaai i faaiuga o le IEE i soo se faaiuga na faia faatatau i le tuuina atu o se FAPE i lou alo, pe afai e ausia tulaga a le itumalo mo IEE; ma
2. E ono tuuina atu e oe po o lou itumalo le IEE faapea o se molimau i se tolaulauga na tatau ona fai e faatatau i lou alo.

Talosaga mo Iloiloga a Faamasino Faitulafono (ALJ)

Afai o se Faamasino Faitulafono (Administrative Law Judge, ALJ) e talosagaina se IEE o lou alo e faapea o se vaega o se tolaulaua na tatau ona fai, o le tau o le iloiloga e totogi mai tupe faaalu a le malo.

Taiala Faavae a le Itumalo

Afai o se IEE o loo totogi e le malo, o le taiala e ono maua ai le iloiloga, e aofia ai le nofoaga o le iloiloga ma agavaa o le tagata iloilo, e tatau ona tutusa ma taiala na fa'aaoga e le itumalo pe a faatino se iloiloga (i le malosi faapea o na taiala e tutusa ma au aia tatau i se IEE).

Sei vagana ai e pei ona faamatalaina i luga, e ono lē tuuina atu e se itumalo ni aiaiga poo ni taimi tapulaa e faatatau i le mauaina o se IEE e totogi i tupe faaalu a le malo.

Agatapuia o Faamatalaga Faauiiga

34 CFR §300.611; WAC 392-172A-05180

E tuuina atu e le IDEA ia oe aiā tatau e faatatau i faamaumauga o a'oa'oga faapitoa a lou alo. O nei aiā tatau e fa'aopopo i aiā e faapea o loo i ai i lalo o le Tulafono o Aia Tatau ma Puipuiga Faalilolilo Faalea'oa'oga o Aiga (Family Educational Rights and Privacy Act, FERPA), e faapea o se tulafono e tuuina atu ai puipuiga o faamaumauga faalea'oa'oga i tamaiti a'oga uma.

E pei ona fa'aaogaina i lalo o le ulutala *Agatapuia Faalilolilo o Faamatalaga*:

- *Faaleagaina* e faauiga faapea o le fa'aleagaina po o le aveesea o tulaga e iloa patino ai le tagata mai faamatalaga ina ia lē toe iloa ai faamatalaga patino o le tagata.
- *Faamaumauga faalea'oa'oga* e faauiga faapea o ituaiga faamaumauga o loo i lalo o le faamatalaina o "faamaumauga faalea'oa'oga" i le 34 CFR Vaega 99 (o tulafono faatonutonu na faatinoina ai le Tulafono o Aia Tatau ma Puipuiga Faalilolilo Faalea'oa'oga o Aiga 1974, 20 U.S.C. 1232g (FERPA)).
- *Faalapotopotoga Auai* e faauiga faapea o soo se a'oga faaitumalo, faalapotopotoga po o se potopotoga e aoina, teuina, pe fa'aaoga faamatalaga patino e iloa ai, poo le maua mai ai o faamatalaga, i lalo o le Vaega B po o le IDEA.

Faamatalaga Patino e Iloa ai

34 CFR §300.32; WAC 392-172A-01140

O *faamatalaga patino e iloa ai* e faauiga faapea o faamatalaga e faapea ona i ai:

1. Le igoa o lou alo, o lou igoa o le ave ma matua, po o le igoa o se isi tagata o le aiga;
2. O le tuatusi o lou alo;
3. O se mea e iloa patino ai, e pei o le numera o le saogalemu a lou alo po o le numera a'oga; po o
4. Se lisi o uiga patino e iloa gofie ai poo isi faamatalaga e faapea o le a faigofie ai ona iloa lou alo ma le mautinoa e fetau i ai.

Fa'aaliga i Matua

34 CFR §300.612; WAC 392-172A-05185

E tuuina atu e le OSPI se fa'aaliga, e ala i ana tulafono faatonutonu, ina ia faailoa aloaia atu ia te oe e uiga i le agatapuia faalilolilo o faamatalaga e iloa patino ai, e aofia ai:

1. Le mauaina o pepa faatumu a le setete e faataitai i ai, e aofia ai lenei *Fa'aaliga o Faasologa o Auala e Puipuia Ai*, i gagana e tele ma isi lomiga eseese i le taimi e talosaga ai;
2. O se faamatalaga o faamatalaga e iloa patino ai na aoina ma teuina e le OSPI e ala i faaseā a le setete, talosaga o tolaulauga na tatau ona fai ma faaiuga, mata'itūina, talosaga o saogalemu, maliega o soalaupulega, ma faatinoga o iloiloga e faamatuuina atu. Faamatalaga patino e iloa ai ua aveesea ae lei faasoaina lenei faamatalaga i isi faalapotopotoga po o tagata taitoatasi o loo talosagaina faamatalaga, sei vagana ai o matua po o se tamaitiiti a'oga matua ua tuuina mai le faatagana e faamatuu atu ai faamatalaga;
3. O se tuufaatasiga o faiga faavae ma faasologa e tatau ona usitaia e le itumalo e faatatau i le teuina, o le faailoa atu i se isi vaega ese, teuina, ma le faaleagaina o faamatalaga e iloa patino ai; ma
4. O se faamatalaga o aiā tatau uma a matua ma tamaiti a'oga e faatatau i lenei faamatalaga, e aofia ai aiā tatau i lalo o le Tulafono o Aia Tatau ma Puipuiga Faalilolilo Faalea'oa'oga o Aiga (FERPA) ma ona tulafono faatonutonu i le 34 CFR Vaega 99.

Ae lei faia soo se gaoiga lautele o le setete mo le faailoa,, nofoaga, po o le iloiloga (e iloa foi o le "sailiga o le tamaitiiti (child find)"), e tatau ona faasalalauina se fa'aaliga i nusipepa poo isi auala o faasalalauga, poo vaega uma e lua, ina ia lelei le faataamilosaga o le faasilasilaga i matua i le setete atoa i le gaoiga e maua, faailoa, ma iloilo ai tamaiti o loo manaomia a'oa'oga faapitoa ma auaunaga e faatatau i ai.

Maua o Aiā Tatau

34 CFR §300.613-617; WAC 392-172A-05190–05210

E i ai lau aiā tatau e siaki ma toe iloilo faamaumauga faalea'oa'oga a lou alo sa aoina, teuina, pe sa fa'aaogaina e lau a'oga faaitumalo i lalo o le Vaega B a le IDEA. E tatau i le itumalo ona usitaia lau talosaga e siaki soo se faamaumauga faalea'oa'oga e faatatau i lou alo e aunoa ma se faatuai lē talafeagai ae lei oo i soo se fonotaga e faatatau i se IEP, poo soo se tolaulauga ua tatau ona fai (e aofia ai se fonotaga o iugafono po o se tolaulauga o a'oa'oga faapitoa ua tatau ona fai e faatatau i le amioga pulea), ma e leai se mataupu e sili atu i le 45 aso faakalena talu ona faia se talosaga.

O lau aiā tatau e siaki ma toe iloilo faamaumauga faalea'oa'oga e aofia ai:

1. O lau aiā tatau mo se tali mai le itumalo i au talosaga talafeagai mo le faamalamalamaaga ma le faamatalaina o faamaumauga;
2. E i ai lau aia tatau e talosaga ai i le a'oga faaitumalo ina ia tuuina mai kopi o faamaumauga pe afai e le'i mafai ona e siaki ma toe iloilo lelei faamaumauga sei vagana ai ua e mauaina kopi nā; ma
3. O lau aiā tatau le siaki ma toe iloilo e lou sui nei faamaumauga.

O le a manatu le itumalo o loo ia oe le pule e siaki ma toe iloilo faamaumauga e faatatau i lou alo sei vagana ai ua fautuaina faapea e lē o iai sau pule i lalo o tulafono a le setete o loo puleaina ia ituaiga mataupu e pei o le tausiga faaletulafono, tete'a, ma le tatalaina o le faaipoipoga.

Faamaumauga o Faatagana

E tatau i a'oga faaitumalo taitasi ona teuina se faamaumauga o vaega uma e iai le faatagana e silasila i faamaumauga faalea'oa'oga na aoina, teuina, pe sa fa'aaoga i lalo o le Vaega B a le IDEA, e aofia ai igoa o le itū, le aso na tuuina atu ai le faatagana, ma le faamoemoega mo le fa'aaogaina ai e lena itū faamaumauga. E lē manaomia le teuina e a'oga faaitumalo nei faamaumauga o faatagana mo matua ma le aufaigaluega faamaonia a le a'oga faaitumalo.

Faamaumauga o Tamaiti e sili atu ma le Toatasi

Afai e aofia i soo se faamaumauga faalea'oa'oga faamatalaga e mo le sili atu ma le toatasi le tamaitiiti a'oga, e i ai lau aiā tatau e siaki ma toe iloilo na o faamatalaga e faatatau i lou alo poo le faailoa atu o lenā faamatalaga pe afai e lē mafai e le itumalo ona faailoa atu lenā faamatalaga ia oe e aunoa ma le faalauiloina o faamatalaga patino e iloa ai se isi tamaitiiti a'oga.

Lisi o Ituaiga ma Nofoga o Faamatalaga

Afai na e talosagaina, e tatau i le a'oga faaitumalo ona tuuina atu ia oe se lisi o ituaiga ma nofoaga o faamaumauga faalea'oa'oga na aoina, teuina, pe sa fa'aaoga e le a'oga faaitumalo.

Pili

E ono tuuina atu e le a'oga faaitumalo se pili mo kopi o faamaumauga o loo faapea ona faia mo oe i lalo o le Vaega B a le IDEA pe afai e lē taofia e le pili le fa'aaogaina o lau aiā tatau e siaki ai ma toe iloilo faamaumauga nā. E ono lē totogia se pili e saili pe maua mai ai faamatalaga i lalo o le IDEA.

Teuteuga o Faamaumauga i le Talosaga a Matua

34 CFR §300.618–§300.621; WAC 392-172A-05215

Afai e te talitonu faapea o faamatalaga i faamaumauga faalea'oa'oga e faatatau i lou alo na aoina, teuina, pe sa fa'aaoga i lalo o le IDEA e lē sa'o, taufaasesē, pe solia tulaga faalilolilo po o isi aiā tatau a lou alo, e ono mafai ona e talosaga i le itumalo e sui faamatalaga.

E tatau i le itumalo ona filifili pe suia faamatalaga e tusa ai ma lau talosaga i totonu o se taimi talafeagai i le mauaina o lau talosaga.

Avanoa mo se Tolaulauga, Faasologa o Tolaulauga, ma Faaiuga o Tolaulauga

Afai e tete'e lau a'oga faaitumalo i le suia o faamatalaga e faatatau i lau talosaga, e tatau ona faailoa atu e tusa ai ma lenā faaiuga ma fautuaina oe i au aiā tatau i se tolaulauga e ala i le itumalo.

E i ai lau aiā tatau e talosaga ai se tolaulauga e faataute'e ai i faamatalaga i faamaumauga faalea'oa'oga a lou alo ina ia mautinoa ai e lē o sesē, taufaasesē, po o i se isi itu ua solia ai le tulaga faalilolilo po o aiā tatau a lou alo. O le tolaulauga i le tete'e atu i faamatalaga o faamaumauga o a'oga e tatau ona faatautaia e tusa ai ma faasologa o tolaulauga a le itumalo i lalo o le FERPA. E lē

o se tolaulauga masani o a’oa’oga faapitoa.

Afai, ona o se faaiuga o se tolaulauga, e filifili le itumalo faapea o faamatalaga e lē sa’o, taufaasesē, po o i se isi itu ua solia ai le tulaga faalilolilo po o isi aiā tatau a le tamaitiiti a’oga, e tatau ona suia faamatalaga e faatatau i ai ma faailoa atu oe i suiga na i se tusi.

Afai, ona o se faaiuga o le tolaulauga, e filifili le itumalo faapea o faamatalaga e lē sa’o, taufaasesē, po o ise isi itu ua solia ai le tulaga faalilolilo po o isi aiā tatau o lou alo, e tatau ona latou faailoa atu ia te oe faapea e i ai lau aiā tatau ina ia tuuina i ai se faamatalaga i faamaumauga faalea’oa’oga a lou alo i faamatalaga pe tuuina atu soo se mafua’aga ua e lē malie ai i le faaiuga a le itumalo.

Afai ua e filifili e tuu i ai se faamatalaga i faamaumauga a lou alo, e tatau ona:

1. Tausisia e le itumalo e avea o se vaega o faamaumauga o lou alo, ma o le mea tūa o faamaumauga po o le vaega na tete’e i ai o loo tausisia; ma
2. Afai e faalauiloa e le itumalo faamaumauga a lou alo po o le vaega na tete’e iai i soo se itū, e tatau foi ona faailoa faamatalaga i le isi itū.

Faatagana mo le Faalauiloaina o Faamatalaga Patino e Iloa ai

34 CFR §300.622; WAC 392-172A-05225

E tatau ona iai lau faatagana tusitusia ae lei faalauiloaina faamatalaga patino e iloa ai i isi sei vagana ai e faatagaina le faalauiloaina o faamatalaga i faamaumauga faalea’oa’oga o lou alo e aunoa ma le faatagana a matua i lalo o le FERPA. I le lautele, e lē manaomia lau faatagana ae lei faamatuuina faamatalaga patino e iloa ai i tagata ofisa o faalapopotoga auai mo le faamoemoe o le ausia o se manaoga o le Vaega B o le IDEA. Ae ui i lea, o lau faatagana, po o le faatagana a lou alo pe afai ua oo i tausaga matua, e tatau ona maua mai ae lei faamatuuina faamatalaga patino e iloa ai i tagata ofisa o faalapopotoga auai o loo tuuina atu pe totogia auaunaga o suiga. E fa’aopopo i ai, afai e a’oga lou alo i se a’oga tuma’oti, e tatau ona maua mai lau faatagana ae lei faamatuuina faamatalaga patino e iloa ai lou alo i le va o tagata ofisa i le itumalo o loo iai le a’oga tuma’oti ma tagata ofisa i le itumalo e nofo ai lou alo pe afai e te lē o fuafua e resitala lou alo i le itumalo e te nofo ai.

Puipuiga mo Faamatalaga Patino e Iloa ai

34 CFR §300.623; WAC 392-172A-05230

E tatau i lau a’oga faaitumalo ona puipuia le agatapuia faalilolilo o faamatalaga patino e iloa ai i tulaga o le aoina, teuina, faalauiloa, ma le faaleagaina. E tatau ona tasi se tagata ofisa i le a’oga faaitumalo e faia le tiute tauave o le faamautinoaina o le agatapuia o soo se faamatalaga patino e iloa ai. O tagata uma e aoina pe fa’aaoga faamatalaga patino e iloa ai pe fa’aaoga faamatalaga patino e iloa ai e tatau ona auai i a’oa’oga pe maua faatonuga e faatatau i le tulaga agatapuia faalilolilo i lalo o le Vaega B a le IDEA ma le FERPA.

E tatau i a’oga faaitumalo ona tausisia, mo siaki a le malo, se lisi o le taimi nei o igoa ma tulaga o tagata faigaluega na i totonu o le faalapopotoga e ono mafai ona latou mauaina faamatalaga patino e iloa ai.

Faaleagaina, Taofiga, ma le Teuina o Faamatalaga

34 CFR §300.624; WAC 392-172A-05235

E tatau ona faailoa atu e lau a’oga faaitumalo pe a lē o toe manaomia faamatalaga patino e iloa ai sa aoina, faatumauina pe faa’oga, e tuuina atu ai auaunaga faalea’oa’oga i lou alo.

Pe ā lē toe manaomia, e tatau ona faaleagaina faamatalaga e ala i lau talosagaina. Ae peitai, e faatumauina faamaumauga tumau o le igoa, tuatusi, ma le numera telefoni, o lana vasega, faamaumauga o le auai i a’oga, vasega na auai ai, tulaga o vasega ua faamae’a, ma tausaga na faamae’a ai e aunoa ma se faatapulaaga i le taimi.

O tulafono a le setete e faatatau i le taofiga o faamaumauga o loo tuuina i le Mataupu 40.14 Tulafono Laiti Toe Iloilo a Uosigitone (Revised Code of Washington, RCW). O faiga faavae i le umi e taofia ai faamaumauga a se itumalo o loo lolomiina e le Failautusi a le Setete o Uosigitone, Vaega o le Pulea o Faamaumauga ma Potutusi o Faamaumauga.

Faasologa o Auala e Iugafonoina ai Fe’eseeseaiga o A’oa’oga Faapitoa

O oe o se tagata auai tauā i tulaga uma o polokalame faalea’oa’oga faapitoa a lou alo. O lenei auai e amata i le uluai faaseega mai o lou alo. O loo faamalosi le tou galulue faatasi ma lou itumalo ina ia taumafai e faaleleia fe’ese’esea’iga e faapea ona aafia ai polokalame o a’oa’oga faapitoa a lou alo. Afai e lē mafai ona faaiugafonoina e outou ma le a’oga faaitumalo fe’ese’esea’iga, o loo i ai isi auala aloaia e filifili ai e iugafono ai fe’ese’eseaiga. O nei filifiliga o soalaupulega, faaseā i le faapotopotoga, ma tolaulauga e tatau ona fai e lē fa’aitū’au.

Soalaupulega

34 CFR § 300.506; WAC 392-172A-05060–05075

Aotelega

O loo maua auaunaga tau soalaupulega ofo fua ia te oe po o le itumalo ina ia fesoasoani e foia ai faafitauli e aafia ai le faailoaina, iloiloga, faatonuina faalea’oa’oga, ma le tuuina atu o se FAPE i lou alo ma po o le a lava le taimi e talosagina ai se tolaulauga e tatau ona fai. O le soalaupulega e sa’oloto ma e le mafai ona fa’aaogaina e te’ena pe faatuai ai lau aia tatau i se tolaulauga na tatau ona fai pe te’ena soo se isi aia tatau e i lalo o le Vaega B a le IDEA. O fonotaga tau soalaupulega o loo faatulagaina i se taimi talafeagai i se nofoaga e faigofie ona uia e oe ma le itumalo.

O loo maua le soalaupulega pe afai e lē o lau gagana muamua le Igilisi poo lou fa’aaogaina o se isi auala o fesootaiga pe a talosagina sei vagana ai ua lē mafai ona fa’aaogaina.

E ono tuufaatasia e le a’oga faaitumalo faiga faavae o faasologa e ofoina atu i matua ua filifili e lē fa’aaogaina faagasologa o le soalaupulega, se avanoa e feiloa’i ai, i se taimi ma se nofoaga e faigofie ia oe, faatasi ai ma se itū e lē fesootai:

1. O loo i lalo o se konekarate faatasi ai ma se faalapotopotoga o isi iuga e iugafonoina ai fe'ese'eseaiga, po o se ofisa tutotonu o a'oa'oga ma faamatalaga a matua po o se nofoaga tutotonu o alaga'oa a matua i nuu ma alalafaga i le setete; ma
2. O le a faamalamalamaina penefiti ma faamalosia le fa'aaogaina o le faasologa o le soalaupulega ia oe?

Lē Fa'aitū'au o le Tagata e Faia Soalaupulega

O le soalaupule e faatautaia e se tagata e faapea ua agavaa, e lē fa'aitū'au, ma a'oa'oina i auala e aogā i le faaleleiga. O lena tagata e tatau foi ona iloa lelei le tulafono ma tulafono faatonutonu e faatatau i le tuuina atu o a'oa'oga faapitoa ma auaunaga e faatatau i ai. O konekarate OSPI e faatasi ma se faalapotopotoga i tua atu e faatautaia le soalaupulega. E faatumauiina e le faalapotopotoga le lisi o tagata e faia soalaupulega. O tagata e faia soalaupulega e filifilia i soo se faasologa, faataamilo, po o isi tulaga e lē fa'aitū'au. O le tagata e faia soalaupulega e (1) lē tatau ona faigaluega i le OSPI, o se itumalo, po o se isi faalapotopotoga a le setete o loo tuuina atu auaunaga i se tamaitiiti o loo faaautuina ai le faagasologa o soalaupulega, ma (2) e ono leai se fe'ese'eseaiga patino pe aloaia. O fonotaga tau soalaupulega o loo faatulagaina i se taimi talafeagai i se nofoaga e faigofie ona uia e oe ma le itumalo.

Maliega ua Ausia i le Soalaupulega

Afai ua ausia e oe ma le itumalo se maliega, e tatau ona faamaumuina i se maliega tusitusia o le soalaupulega ua sainia e oe ma se sui aloaia a le itumalo ina ia noatia o se maliega ua tuufaatasia faaletulafono. O faatalanoaga i taimi o fonotaga soalaupulega e agatapuia ma e ono lē fa'aaogaina o se molimau i soo se tolaulauga e tatau ona fai po o faamasinoga faalemalo o soo se faamasinoga feterale po o le faamasinoga a le setete a Washington. E tatau ona faailoa nei vaega i le maliega tusitusia. Ae peitai, e mafai ona faaoga le maliega tau soalaupulega ma molimau. O maliega soalaupule e noatia faaletulafono ma faamalosia i soo se faamasinoga a le setete e tauva malosia o le faamasinoga po o i se faamasinoga faaitumalo o le lunaite Setete.

Eseesega i le Suesuega o Faaseā o A'oa'oga Faapitoa i Nuu ma Alalafaga ma Faagasologa o Tolaulauga Tatau

O tulafono faatonutonu mo le Vaega B a le IDEA e iai faiga faavae o faasologa eseese e fai ai mo faaseā a le setete (faaseā a nuu ma alalafaga) ma tolaulauga e tatau ona fai. O se faaseā a nuu ma alalafaga e ono faila i le OSPI e soo se isi po o faalapotopotoga faapea o se a'oga faaitumalo, OSPI, po o se isi lava faalapotopotoga faalealo na solia manaoga i lalo o le Vaega B, tulafono laiti feterale o loo i le 34 CFR Vaega 300, po o tulafono faatonutonu a le e faatinoina ai le Vaega B o le IDEA. O faasea a nuu ma alalafaga e suesueina e le OSPI, e fua i luga o faamatalaga e uiga i soligatulafono na tuuina atu e le tagata na faatumuina le faaseā, ma le a'oga faaitumalo, po o isi faalapotopotoga o tali atu i le faaseā. O faaseā a nuu ma alalafaga e tatau ona faila i totonu o le tausaga e tasi o le soligatulafono masalomia.

E ono faila talosaga mo tolaulauga e tatau ona fai e oe po o lau a'oga faaitumalo i soo se mataupu e faatatau i le faailoaga, iloiloga, po o faatonuina faalea'oa'oga a lou alo, po o le tuuina atu o se a'oa'oga faalemalo talafeagai lē totogia (FAPE) i lou alo. O tolaulauga e tatau ona fai o loo faatautaia e le faamasino faitulafono (ALJ), na faafaigaluega e le Ofisa o Tolaulauga (Office of Administrative Hearings), o se faalapotopotoga tuma'oti a le setete. O tolaulauga ua tatau ona fai e

masani ona aafia ai ta'utinoga a molimau ma le faatomuaga o molimau. O talosaga o tolaulauga e tatau ona fai e tatau ona faila I totonu o le lua tausaga o le soligatulafono masalomia (faatasi ai ma faatagana o le sesē o le faalauiloaina po o le taofia o faamatalaga.)

O taimi ma faiga faasologa mo faaseā a nuu ma alalafaga ma tolaulauga e tatau ona fai o loo faamalamalamaina atu i lalo.

Faiga Faavae Faasolo o Faaseā a Nuu ma Alalafaga

34 CFR §§300.151–300.153; WAC 392-172A-05025–05045

E i ai faiga faavae faasolo a le OSPI mo le foia o faaseā a le setete. O loo i tulafono faatonutonu a le setete faiga o faasologa ma o faamatalaga e faatatau i faaseā a le setete o loo tumau i luga o le uega tafa'ilagi.

Afai e te talitonu, poo se tagata poo se faalapotopotoga ua solitulafono se itumalo, OSPI, po o se isi vaega o a'oa'oga e pulea e le IDEA le Vaega B o le IDEA, o tulafono faatonutonu e faatino ai le Vaega B, poo tulafono faatonutonu ogatasi a le setete, e te ono failaina se faasea tusitusia i le Office of Superintendent of Public Instruction (OSPI), Special Education, PO Box 47200, Olympia, WA 98504-7200. E tatau ona e tuuina atu se kopi o le faaseā i le itumalo po o le isi faalapotopotoga tete'e po o ai o fai i ai lau faaseā.

Failaina o se Faaseā

O le faaseā tusitusia e tatau ona sainia e oe, po o le tagata po o le faalapotopotoga o loo failaina le faaseā ma e tatau ona aofia au faamatalaga nei:

- O se faamatalaga e faapea o se itumalo po o isi faalapotopotoga na solitulafono i se manaoga o le Vaega B o le IDEA, o tulafono faatonutonu e faatinoina le Vaega B, tulafono faatonutonu ogatasi a le setete, po o se faamatalaga e faapea e le o faatulagaina e le itumalo po o isi faalapotopotoga se soalaupule po o se maliega faaiugafonoina;
- O le igoa ma le tuatusi o le itumalo po o isi faalapotopotoga;
- O le igoa o le tamaitiiti a'oga, pe afai o le faaseā e faapitoa i se tamaitiiti a'oga, ma faamatalaga faafesootai pe afai e lē o nofo le tamaitiiti a'oga i se aiga;
- O le igoa o le a'oga na a'oga ai le tamaitiiti a'oga;
- O se faamatalaga o le faafitauli faatasi ai ma tala moni faapitoa;
- O se iugafono faatūina o le faafitauli i le tele e oo i ai le faamatalaga ua iloa ma avanoa atu ia oe i le taimi na faila ai le faaseā; ma
- O lou igoa, tuatusi, ma le numera telefoni.

E lē tatau ona tulai mai le solitulafono i le silia ma le **tasi le tausaga** talu ai mai le aso, e ausia ai manaoga o i luga, ua maua e le OSPI le faaseā.

Ua tuu faatasi e le OSPI se pepa faatumu faataitai e te ono fa'aaogaina e faila ai se faaseā. O lenei pepa faatumu o loo maua i luga o le [OSPI – A'oa'oga Faapitoa – Faila se Faaseā – Fesili Fai Soo ma pepa faatumu o talosaga](#) itulau o uega tafa'ilagi. E lē manaomia lou fa'aaogaina o le pepa faatumu lea.

Suesuega o Faaseā

E tatau i le OSPI ona suesueina ma tuuina atu se faaiuga tusitusia i le 60 aso faakalena talu ona maua se faaseā sei vagana ai ua faamaonia le manaomia le faaopopo o le taimi. I totonu o le 60 aso, o le OSPI (1) e manomia le tuuina mai e le itumalo se tali i le faaseā; (2) e tuuina atu ia oe po o le tagata faaseā le avanoa ina ia faaulu ai faamatalaga fa'aopopo e uiga i tuuaiga o le faaseā; (3) e ono tauaveina se suesuega tuma'oti i le nofoaga, pe afai e talitonu le OSPI e talafeagai; ma, (4) toe iloilo faamatalaga talafeagai uma ma faia se faamautuuga tuma'oti pe ua solia e le itumalo po o le isi faalapotopotoga se manaoga e fesootai i le Vaega B o le IDEA.

Suesuega, Fa'aopo'opoga, Faaiuga Tusitusia

E ono faaopopo le taimi faatapulaa o le 60 aso faakalena pe afai e: (1) iai tulaga ese e faatatau i se faaseā faapitoa; **po o** (2) ua lua malilie tusitusia ma le a'oga faaitumalo ina ia faaopopo atu le taimi e foia ai le faaseā e ala i le soalaupule po o se isi auala e faaiugafonoina ai le feeseeseaiga.

E lafo atu se faaiuga tusitusia ia te oe po o le tagata na failaina le faaseā ma le a'oga faaitumalo. O le faaiuga tusitusia o le a faailoa ai masalomia taitasi. Mo masalomia taitasi, o le faaiuga tusitusia o le a faama'oti ai mea moni na maua, faaiuga, le mafua'aga mo le faaiuga, soo se fua e faasa'o ai talafeagai e tatau ona fai ina ia faaleleia ai le faaseā pe afai ua tulai mai se solitulafono.

Faaleleia o Faaseā

Pe a maua e le OSPI se solitulafono po ua lē mafai ona tuuina atu auaunaga talafeagai e ala i le faasologa o faaseā, o le faaiuga e tali atu ai:

1. Pe faapefea ona toe foia le tete'e i auaunaga nā, e aofia ai e pei ona talafeagai, o le tuuina atu o le toe totogi o tupe po o isi faatinoga faasa'o e talafeagai i manaoga o le tamaitiiti a'oga; ma
2. Tuuina atu o auaunaga o a'oga faapitoa talafeagai i le lumanai mo tamaiti a'oga uma.

Faaseā o le Faapotopotoga o A'oa'oga Faapitoa ma Tolaulauga e Tatau ona Fai

Afai ua maua e le faapotopotoga se faaseā o loo faaautuina ai foi se tolaulauga e tatau ona fai pe e tele mataupu i le faaseā, ma o le tasi pe sili atu o nā mataupu o se vaega o le tolaulauga e tatau ona fai, e tatau i le OSPI ona faataatia ese (ae lē suesueina) soo se vaega o le faaseā o loo aafia i le tolaulauga na tatau ona fai seiloga ua ma'ea. Soo se mataupu i le faaseā e lē o se vaega o le tolaulauga e tatau ona foia i totonu o le taimi faatulagaina o le faaseā.

Afai ua tulai mai se mataupu i se faaseā ua maea faaiugafonoina i se tolaulauga na aafia ai itū lava ia, e notia le faaiuga o le tolaulauga ma e tatau i le OSPI ona faailoa i le tagata na faia le faaseā e ono lē suesueina le mataupu.

E tatau i le OSPI ona foia se faaseā ua tuuaia faapea ua lē sagatonu le itumalo i le faia o se faaiuga tatau.

Faasologa o le Faiga o Tolaulauga

34 CFR §§300.507-300.513; WAC 392-172A-05080–05125

Aotelega

E ono failaina e oe po o le itumalo faalea’oga se talosaga o le tolaulauga i soo se mataupu e faatatau i le faailoaga, iloiloga, po o le faatonuina faalea’aoa’oga o lou alo po o le tuuina atu o le FAPE i lou alo. E tatau i le itumalo ona faailoa atu ia te oe soo se auaunaga lē totogia po o se totoji maualalo faaletulafono ma isi auaunaga fesootai o loo avanoa i le nofoaga pe a talosaga se tolaulauga e tatau ona fai poo le talosagaina o lenei faamatalaga. Mo le faasologa o le tolaulauga e tatau ona fai, “o oe” e aofia ai lau loia pe afai o i ai sau loia, ma le “itumalo” e aofia ai le loia a le itumalo pe afai o loo tulai se loia mo le itumalo.

Failaina

A fia talosaga se tolaulauga, e tatau ia te oe po o le itumalo ona faaulu se talosaga o se tolaulauga i le isi itū. E tatau ona aofia i lena talosaga vaega uma o lisi atu i lalo ma e tatau ona tausisia le tulaga faalilolilo.

E tatau ia te oe po o le itumalo, po o ai lava na failaina le talosaga, ona tuuina atu le tagata ua filifilia i le OSPI, le Office of Administrative Hearings (OAH), se kopi o le talosaga o le tolaulauga i le tuatusi lenei:

Office of Administrative Hearings
600 University Street, Suite 1500
Seattle, WA 98101-3126
Fax: 206-587-5135

E tatau ona aofia i le talosaga mo le tolaulauga:

1. Le igoa o le tamaitiiti a’oga;
2. Le tuatusi o le mea e nofo ai le tamaitiiti a’oga;
3. Le igoa o le a’oga a le tamaitiiti a’oga;
4. Afai o le tamaitiiti a’oga o se talavou pe e leai se aiga o nofo ai, faamatalaga e faafesootai ai le tamaitiiti a’oga;
5. Se faamatalaga i uiga o le faafitauli, e aofia ai tala moni e faatatau i le faafitauli; ma
6. Se iugafono faatūina o le faafitauli i le aotelega ua e iloa ai ma o loo avanoa ia oe po o le itumalo i le taimi lea.

Fa’aaliga e Manaomia ae lei faia le Talosaga o le Tolaulauga na Tatau on fai

E ono lē faia se tolaulauga e tatau ona fai seiloga ua tuuina atu e oe po o le itumalo se talosaga tuufaatasi ma le isi itū mo se tolaulauga ma tuuina i le OAH se kopi o le talosaga e aofia ai faamatalaga o loo lisi atu i luga.

Ausia Tulaga mo se Talosaga o le Tolaulauga

Ina ia faatino se talosaga i luga o se tolaulauga, e tatau ona iai se manatu faapea ua ausia tulaga manaomia. *Ausia Tulaga* e faauigaina faapea ua ausia e le talosaga vaega manaomia o loo tā'ua i luga i lalo o le *Failaina*. E manatu ua ausia tulaga mo se tolaulauga sei vagana ua tauaao e le itū tali le talosaga mo se tolaulauga ma faailoa tusitusia i le ALJ ma le isi itu, i totonu o le 15 aso faakalena, e faapea ua iai le latou talitonuga ua lē ausia tulaga manaomia.

I totonu o le lima aso faakalena talu ona mauaina le fa'aaliga o le lē ausia o tulaga, e tatau i le ALJ ona filifili pe ua ausia manaoga mo se tolaulauga o loo lisi i luga, ma faailoa tusitusia vave atu ia te oe ma le itumalo.

Teuteuga o Talosaga o se Tolaulauga

E ono faia e oe po o lou itumalo ni suiga i le talosaga o le tolaulauga pe afai:

1. Ua talia tusitusia e le isi itū teuteuga ma ua tuuina atu i ai le avanoa ina ia faaleleia le talosaga o le tolaulauga e ala i se fonotaga o iugafono (pe afai o oe, o le matua na talosagaina le tolaulauga), o loo faamatalaina atu i lalo; po o
2. Lē silia ma le lima aso ae le'i amataina le faasologa o le tolaulauga, e faamatuu atu le faatagana a le tagata ofisa mo suiga.

Afai o oe o le itu o loo talosagaina le tolaulauga ma ua faia fesuiaiga i le talosaga o faasologa o le tolaulauga, e amata le taimi faatulaga mo le fonotaga o faaiuga ma le umi o le taimi mo le faaiuga (Tagai ane: *Faasologa o le Faiga o Iugafono*) i le aso na faila ai le talosaga teuteu, po o le aso na talia ai e le ALJ le talosaga.

Tali a le Itumalo i le Talosaga mo se Tolaulauga

Afai e lei lafo muamua atu e le itumalo se fa'aaliga tusitusia, e pei ona faamatalaina i lalo o le ulutala *Fa'aliga Tusitusia Muamua*, e faatatau i le mataupu autu o loo i lau talosaga o tolaulauga, e tatau i le itumalo, i totonu o le 10 aso faakalena mai le aso sa mauaina ai le talosaga o le tolaulauga, ona lafo atu ia oe se tali e aofia ai:

1. Se faamalamalamaga i mafuaaga ua faatu pe tetee e le itumalo le gaioiga o loo faatu mai i totonu o le talosaga mo se tolaulauga;
2. O se faamatalaga o isi filifiliga sa iloilo e le vaega IEP a lou alo ma mafua'aga sa te'ena ai na filifiliga;
3. O se faamatalaga i le faiga o faasologa, suesuega, faamaumauga, poo ripoti o le iloiloga sa fa'aaogaina e le itumalo e fai ma faavae mo le faatu poo le tetee i le gaioiga; ma
4. O se faamatalaga o isi vaega talafeagai i le faatu poo le te'ena e le itumalo o le gaioiga.

E ono finau pea le itumalo faapea o le'i ausia e lau talosaga manaoga mo se tolaulauga tusa lava pe ua tuuina atu ia oe faamatalaga taitasi i le 1–4 o i luga.

Tali a Le isi Itū i le Talosaga o Tolaulauga

Sei vagana ai mo se faasologa o tolaulauga faanatinati i amioga pulea, na faatalanoaina i lalo o le vaega, *Faasologa o le Faiga o Tolaulauga mo Amioga Pulea*, e tatau i le itū o loo mauaina le talosaga o tolaulauga, i totonu o le 10 aso faakalena ina ua mauaina le talosaga, ona lafaina i le isi itū se tali e patino i le mataupu o loo i le talosaga. E ono manatu lava soo se tasi o nei itū faapea ua lē ausia lava manaoga o le talosaga o le tolaulauga.

Pepa Faatumu Faataitai

34 CFR §300.509; WAC 392-172A-05085

Na tuufaatasia e le OSPI se pepa faatumu faataitai o talosaga o tolaulauga ina ia fesoasoani ia te oe i le failaina o se talosaga mo se tolaulauga. E maua le pepa faatumu i luga o le upega tafailagi [OSPI – A’oa’oga Faapitoa – Talosaga se Tolaulauga o Faiga Faagasolo – Fesili Fai Soo ma pepa faatumu o talosaga](#).

E lē manaomia lou fa’aaogaina o le pepa faatumu lea. Ae peitai, e mafai ona te’ena pe faatuai lou aiā tatau i se tolaulauga pe afai e lē o aofia ai i le talosaga o tolaulauga faamatalaga uma e manaomia. E mafai foi ona e mauaina mai se kopi o le pepa faatumu o le talosaga o tolaulauga mai lau matagaluega o a’oa’oga faapitoa a le itumalo.

Faatonuina o Tamaiti A’oga A’o Faatalitali Tolaulauga

34 CFR §300.518; WAC 392-172A-05125

Sei vagana ai le aiaia i lalo o le ulutala *Faiga Faavae o Faasologa o Amioga Pulea mo Tamaiti A’oga Agavaa mo A’oa’oga Faapitoa*, o le taimi lava e lafo ai se talosaga o se tolaulauga i le isi itū, i totonu o le taimi faatulaga mo le faasologa o le faiga o iugafono, ma a o faatali ai mo le faaiuga o soo se faasologa o tolaulauga e lē fa’itū’au po o se tualumaga o le faamasinoga e aafia ai se apili i se faaiuga a ALJ, e tatau ona tumau ai pea lou alo i le nofoaga faalea’oa’oga o loo i ai nei sei vagana ai ua e lē auai iai, po o le itumalo foi.

E lē taofia le feiloaiga a le IEP, e pei ona manaomia poo le moomia, i le tulaga o le tamaitiiti a’oga i le taimi o faasolo tualumaga. E mafai ona faafou ma faatino e le vaega a le IEP le IEP a le tamaitiiti a’oga sei vagana ua finauina fesuaiga.

Afai e aafia i le talosaga o le tolaulauga se talosaga mo se uluai ulufale i se aoga a le malo, e tatau ona resitala lou alo, faatasi ai ma lau faatagana, i le polokalame faalea’oga a le malo seia mae’a uma tualumaga.

Afai e aafia i le talosaga o le tolaulauga le tuuina atu o uluai auaunaga i lalo o le Vaega B o le IDEA, mo lou alo, o loo faapea ona sui mai ona auaunaga mai i lalo o le Vaega C o le IDEA i le Vaega B o le IDEA, ma faapea e lē o toe agavaa mo auaunaga o le Vaega C ona ua tolu tausaga o lou alo, e lē manaomia i le itumalo ona tuuina atu auaunaga i lalo o le Vaega C e faapea sa ia mauaina. Afai e maua faapea ua agavaa lou alo i lalo o le Vaega B o le IDEA ma ua tuuina atu lau faatagana ina ia maua ai a’oa’oga faapitoa ma auaunaga e faatatau i ai mo le taimi muamua, e tatau ona, a o talitali ai le i’uga o tualumaga, tuuina atu e le itumalo a’oa’oga faapitoa nā ma auaunaga e faatatau i ai pe a faapea e lē o finauinai le va o oe ma le itumalo.

Afai e oo le ALJ i se faaiuga faapea e talafeagai le sui o le nofoaga e faatonu iai, e tatau ona faaaogaina lenā faaiuga faapea o se maliega i le va o oe ma le itumalo faalea’oga mo le faamoemoe o le faatonuina i taimi o soo se apili o faamasinoga i le faasologa o faaiuga.

Faasologa o le Faiga o Iugafono

34 CFR §300.510; WAC 392-172A-05090

Fonotaga o Faiga Iugafono

I totonu o le 15 aso faakalena ina ua maea faila lau talosaga o tolaulauga faatasi ma le itumalo ma le OAH, e tatau i le itumalo ona talo se fonotaga faatasi ma oe ma sui auai talafeagai po o sui o le vaega a le IEP ua malamalama patino i vaega o loo faailoa mai i lau talosaga o tolaulauga. E tatau ona faatino lenei fonotaga ae lei amataina le taimi faatulaga o le faasologa o tolaulauga sei vagana ai ua outou malilie ma le itumalo i se soalaupulega poo le tuusaunoa o le fonotaga o faiga iugafono. O le fonotaga:

1. E tatau ona i ai se sui o le itumalo e i ai le pule e fai faaiuga mo le itumalo; ma
2. E ono lē aofia ai se loia a le itumalo sei vagana ua lua ō atu faatasi ma se loia.

O le faamoemoe o le fonotaga o le faatalanoa o oe i lau talosaga mo le faasologa o se tolaulauga ma tala moni o loo fausia ai le faavae o le talosaga, ina ia iai se avanoa o le itumalo ina ia foia feseeseaiga. E faamautu e outou ma le itumalo sui auai talafeagai o le vaega a le IEP e auai i le fonotaga o iugafono.

E lē talafeagai le fonotaga o iugafono pe afai:

1. Ua iai le lua maliega tusitusia ma le itumalo ina ia faataatia ese le fonotaga; po o
2. Ua iai le lua maliega ma le itumalo e fa'aaoga le faasologa e soalaupule ai, e pei ona faamatalaina i lalo o le ulutala *Soalaupulega*.

Vaitaimi e Fai ai Iugafono

Afai e lei faaiugafonoina e le itumalo le talosaga i le faasologa o tolaulauga i le mea e te malie iai i totonu o le 30 aso faakalena talu ona e tuuina atu ai le talosaga i le faasologa o tolaulauga i le itumalo ma le OAH, e ono mafai ona amata le tolaulauga.

E amata le vaitaimi o le 45-aso faakalena mo le faamatuuina atu o se faaiuga mulimuli i le iuga o le 30-aso faakalena mo le faaiugafonoina, faatasi ai ma tuusaunoaga mo fesuiaiga na faia i le 30-aso faakalena i le vaitaimi o iugafono, e pei ona faamatalaina atu i lalo.

Sei vagana ua lua malilie ma le itumalo e faataatiaese le faasologa o iugafono pe fa'aaoga le soalaupulega, o lou lē auai i le fonotaga o iugafono o le a faatuai ai taimi mo le faasologa o iugafono ma le faasologa o taualumaga seiloga ua e malie e auai i se fonotaga.

Afai e lē mafai e le itumalo ona maua lou auai i se fonotaga o iugafono ina ua uma taumafaiga talafeagai ma faamaumau na taumafaiga, e ono mafai e le itumalo, i le mae'a ai o le 30-aso faakalena o le vaitaimi faaiugafono, ona talosagaina le ALJ e faaleaogaina lau talosaga o faasologa o tolaulauga. E tatau i le itumalo faalea'oga ona faamaumauina ana taumafaiga e faatulaga ai se taimi ma se nofoaga ua afaatasi ai mo le fonotaga o iugafono. E aofia i faamaumauga taumafaiga, e pei o:

1. Faamaumauga auiliili o talanoaga poo taumafaiga i luga o telefoni ma faaiuga o nā faatalanoaga i telefoni;
2. Ni kopi o fesootaiga na lafo atu ia oe ma soo se tali na maua mai; ma

3. Auiliiliga o faamaumauga o asiasiga i lou aiga po o le galuega ma iuga na maua mai i nā asiasiga.

Afai e lē mafai e le itumalo ona faia se fonotaga o iugafono i totonu o le 15 aso faakalena talu ona e tuuina atu ai lau talosaga i le faasologa o tolaulauga i le itumalo ma le OAH, **po o** ua lē mafai e le itumalo ona auai i le fonotaga o iugafono, e ono mafai ona e fesiligia se ALJ e faatonu le amataina o le 45-aso faakalena amata ai le faasologa o le tolaulauga.

Fesuaiga i le 30-aso Faakalena o le Vaitaimi o Iugafono

Afai ua outou faia se maliega tusitusia ma le itumalo e faataatiaese le fonotaga o iugafono, ona amata vaitaimi e le 45-aso faakalena mo le faasologa o tolaulauga i le aso e soso’o ai.

A uma le amataga o le soalaupulega po o le fonotaga o iugafono ma e le’i oo i le faaiuga o le 30-aso faakalena o le vaitaimi o iugafono, ma afai ua fai se lua maliega tusitusia ma le itumalo faapea ua lē mafai ona ausia se maliega, e amata le 45-aso faakalena mo le faasologa o le tolaulauga i le aso e soso’o ai.

Afai ua outou malilie faatasi ma le itumalo fa’aaoga le faasologa o le soalaupule, ae e lei ausia se maliega, i le faaiuga o le 30-aso faakalena o le vaitaimi o iugafono, e mafai e itu uma e lua ona fai se maliega tusitusia e fa’aaauai ai le soalaupulega seia ausia se autasiga. Ae peitai, afai e te faamaamulu poo le itumalo mai le faasologa o le soalaupule, e amata le 45-aso faakalena mo le faasologa o le tolaulauga i le aso e soso’o ai.

Maliega Tusitusia Ausia

Afai e foia le feseeseaiga i le fonotaga o iugafono, e tatau ona faia se maliega noatia faaletulafono a oulua ma le itumalo e faapea ona:

1. Sainia e oe ma se sui o le itumalo e faapea ona i ai le pule e noatia ai le itumalo; ma
2. Faamalosia i soo se Washington State Superior Court e i ai le tomai ma le malosiaga e fai ai faaiuga po o se faamasinoga faaitumalo i le lunaite Setete.

Vaitaimi Toe Iloilo o Maliega

Afai ua lua ausia se maliega ma le itumalo i le mae’a ai o le fonotaga o iugafono, e ono mafai e se tasi ou outou ona faaleaogaina le maliega i totonu o le tolu aso faigaluega mai le taimi sa oulua sainia ai le maliega.

Faasologa o Tolaulauga lē Fa’aitū’au

34 CFR §300.511; WAC 392-172A-05080; WAC 192-172A-05090–05100; WAC 392-172A-05160

Aotelega

Soo se taimi lava e faila ai se talosaga o se faasologa o tolaulauga, e tatau ona iai se avanoa a oe po o le itumalo na aafia i le finauga mo se faasologa o tolaulauga e lē fa’aitū’au.

Faamasino Faitulafono (ALJ)

O le tolaulauga e faatautaia e se ALJ tuma'oti agavaa, o loo faafaigaluega e le Office of Administrative Hearings (OAH).

I se itiiti ai, o se ALJ:

1. E lē tatau ona faapea o se tagata faigaluega i le OSPI po o le itumalo o loo aafia i le a'oa'oga po o le tausiga o lou alo. Ae peitai, o se tagata e lē o se tagata faigaluega a le faalapotopotoga ae na ona totogi e le faalapotopotoga e tautua o se ALJ;
2. E lē tatau ona i ai se fesootaiga patino pe faalegaluega e ona feteenai ma le faamoemoe o le ALJ i le tolaulauga;
3. E tatau ona tele le iloa ma le malamalama i aiaiga o le IDEA, ma tulafono faatonutonu faafeterale ma faasetete e talafeagai i le IDEA, ma le faamatalaina faaletulafono o le IDEA i faamasinoga fetereale ma le setete; ma
4. E tatau ona i ai le iloa ma le mafai e faatautaia tolaulauga, ma ia faia ma tusitusia faaiuga, e ogatasi ma faiga faavae talafeagai ma tulaga masani faaletulafono.

E tausisia e le OSPI se lisi o tagata e tautua o ni ALJ, e aafia ai faamatalaga o tusi pasi mo tagata taitoatasi.

Mataupu Tāua o le Faasologa o le Tolaulauga

O le itū e talosagaina le faasologa o le tolaulauga e ono lē mafai ona faatūina ni mataupu i le faasologa o le tolaulauga e lei lotea i le talosaga o le faasologa o le tolaulauga, vagana ai ua ioe i ai le isi itū.

Taimi mo le Talosagaina o se Tolaulauga

E tatau ona failaina e oe po o le itumalo se talosaga o le faasologa o le tolaulauga i totonu o le lua tausaga mai le aso na iloa ai e oe po o le itumalo, pe sa tatau ona iloa ai, mataupu na tā'ua i le talosaga o le tolaulauga.

Tuusaunoaga i le Taimi

E lē apalai le taimi o loo i luga pe afai e le'i mafai ona e failaina se talosaga i le faasologa o le tolaulauga ona:

1. Ua taufaasese le itumalo faapea ua latou faaiugafonoina le faafitauli poo le mataupu ua e faatuina mai i lau talosaga o tolaulauga; po o
2. Na taofia e le itumalo faamatalaga sa e manaomia ona tuuina atu ai i lalo o le Vaega B o le IDEA.

Aiā Tatau o Tolaulauga

34 CFR §300.512; WAC 392-172A-05100

Aotelega

E i ai lau aiā tatau e te tulai mo oe lava ia i se faasologa o le tolaulauga (e aafia ai se tolaulauga e faatatau i amioga pulea). E iai lau aiā tatau, faapea le itumalo, i le avea ma itū aafia i le tolaulauga (e aafia ai se tolaulauga e faatatau i amioga pulea) e:

1. Tulai ai se loia mo oe, ma taitoaluaina ma fautuaina e tagata e i ai le tomai faapitoa pe sa a’oa’oina e faatatau i faafitauli o tamaitiiti a’oga e i ai aafiaga tumau o le soifua;
2. Folasia molimau ma finauina, tu’i fesili, ma manaomia le auai o molimau;
3. Faasā le faalauiloa o soo se faamaoniga i le tolaulauga e faapea e le’i faailoaina i le isi itū i le itiiti ifo ma le lima aso faigaluega ae lei faia le tolaulauga;
4. Maua mai se faamaumauga upu-i- le-upu o le tolaulauga tusitusia, po o, i lau lava filifiliga, faaeletoroni; ma
5. Maua mai se faaiuga ma sailiga o faamaoniga tusitusia, po o, i lau lava filifiliga, faaeletoroni.

Faalauiloa Faaopopo o Faamatalaga

A itiiti ane lava o le lima aso faigaluega ae lei oo i le faasologa o le tolaulauga, e tatau ia te oe ma le itumalo ona faailoaina i tagata taitasi iloiloga uma ua mae’a i le aso ma fautuaga e fua i luga o iloiloga na e faamoemoe tou te fa’aaogaina i le tolaulauga.

E ono taofia e le ALJ soo se itū e lē mafai ona usitaia nei manaoga mai le folasia o iloiloga talafeagai po o fautuaga i le tolaulauga e aunoa ma le faatagana a le isi itū.

Aiā Tatau a Matua i Tolaulauga

E tatau ona tuuina atu ia oe le aia tatau ina ia:

1. Auai lou alo;
2. Tatala le tolaulauga i le mamalu lautele; ma
3. Tuuina atu ia te oe faamaumauga o le tolaulauga, sailiiliga ma faaiuga e aunoa ma se totogia.

Taimi ma le Faafaigofie o Tolaulauga

34 CFR §300.515; WAC 392-172-05110

Ia lē tuai ma le 45 aso faakalena pe a uma le aogā o le taimi o le 30-aso faakalena mo fonotaga o iugafono **po o**, le lē tuai ma le 45 aso faakalena pe a uma le aogā o le taimi na fetuunai ai le vaitaimi o le iugafono:

1. Ua maua se faaiuga mulimuli i le tolaulauga; ma
2. Ua meli se kopi o le faaiuga i itū taitasi.

O ono talia e le ALJ se taimi fa’aopopo e sili atu ma le 45-aso faakalena o loo faamatalaina i luga e ala i le talosaga a soo se itū.

E tatau ona faatautaia tolaulauga i se taimi ma se nofoaga e uia gofie ma fetau ia oe ma lou alo.

Faaiuga o Tolaulauga

34 CFR § 300.513; WAC 392-172-05100–05105

Faaiuga a le ALJ

O se faaiuga a le ALJ e faatatau pen a maua e lou alo a’oa’oga faalemalo talafeagai lē totogia (FAPE) e tatau ona fua i luga o faamaoniga maumaututū.

I tolaulauga e te masalomia le solia e le itumalo se faiga faavae, e ono faaiugafono e le ALJ faapea e lei mauaina e lou alo le FAPE pe afai ua iai lape i faiga faavae o faasologa e ala i le:

1. Faalavelave i le aiā tatau a lou alo mo se FAPE;
2. Telē le faalavelave i lou avanoa e te auai ai i le faasologa o le faia o faaiuga e faatatau i le tuuina atu o se FAPE i lou alo; po o
3. Faatupuina o se ala ua lē maua ai se penefiti faalea’oa’oga.

Fuaiupu Fausaga

Tusa lava pe lei mauaina e se ALJ se solitulafono o le FAPE, e ono faatonu e le ALJ le itumalo ina ia usitaia manaoga i le vaega o le Faasologa o Auala e Puipuia Ai o le tulafono feterale i lalo o le Vaega B o le IDEA (34 CFR §§300.500 i le 300.536).

Talosaga Ese mo se Faasologa o se Tolaulauga

E ono mafai ona e failaina se talosaga ese o se faasologa o le tolaulauga o se mataupu e ese mai se talosaga o le tolaulauga ua uma ona faila.

Sailiiliga ma Faaiuga i le Laulau Faufautua ma le Mamalu Lautele

E aveese e le OSPI soo se faamatalaga patino e iloa ai, ma e:

1. Tuuina atu sailiiliga ma faaiuga mai le faasologa o le tolaulauga i le Washington’s Komiti Faufautua o A’oa’oga Faapitoa (Special Education Advisory Committee, SEAC); ma
2. Faaavanoa na sailiiliga ma faaiuga le mamalu lautele.

Faaiuga Mautū; Apili

34 CFR §300.514; WAC 392-172A-05115

O se faaiuga na faia i le faasologa o le tolaulauga (e aofia ai se tolaulauga e faatatau i amioga pulea) ua mautū, sei vagana ua apili e soo se itu (o oe po o le itumalo) sa iai i le tolaulauga le faaiuga e ala i le faaulu o se tagi faafaamasinoga, e pei ona faamatalaina atu i lalo.

Tagi Faafaamasinoga, E Aofia ai Vaitaimi e Faila ai Tagi

34 CFR §300.516; WAC 392-172A-05115

Aotelega

Afai o soo se itu e lē malie i faamatalaga na maua ma faaiuga i le faasologa o le tolaulauga (e aofia ai se tolaulauga e faatatau i auala e usitaia ai), o lenā itu e i ai le aiā tatau e aumai ai se gaoiiga savili faatasi ai ma le manatu i le mataupu lea na faapea o le autū i le faasologa o le tolaulauga. Atonu e aumaia le gaoiiga i se fale faamasino a le setete o tomai e i ai le puleaga (o se faamasinoga a le setete faapea e i ai le pule e faalogologo ai i lea ituaiga o mataupu) po o se faamasinoga faaitumalo a le lunaite Setete. O faamasinoga faaituimalo a le lunaite Setete e i ai le pule e pulea ai gaoiiga e aumai i lalo o le Vaega B o le IDEA e aunoa ma se faatatau i le aofaiga o loo finauina.

Faatapulaaina o le Taimi

O le a iai le **90** aso faakalena e tuuina atu i le itū tagi e faauluina le tagi mai le aso na fai ai le faaiuga a le ALJ.

Faiga Faavae o Faasologa Fa'aopopo

I soo se tagi faafaamasinoga, o le faamasinoga:

1. E mauaina faamaumauga o taualumaga;
2. E faalogo i molimau fa'aopopo e ala i lau talosaga po o le talosaga a le itumalo; ma
3. E fua ana faaiuga i le mamafa o le molimau ma faamatuuina atu le faamāmā avega e manatu e le faamasinoga e talafeagai.

Tulafono Laitiiti Fausaga

E leai se vaega i le Vaega B o le IDEA e taofiofia pe faatapulaa aiā tatau, faiga faasolo, ma fofo o loo avanoa i lalo o le Faavae a U.S., le Tulafono o Tagata Amerika e iai Aafiaga Tumau o le Soifua 1990 (Americans with Disabilities Act), Title V o le Tulafono o le Toefuataina 1973 (Rehabilitation Act) (Vaega 504), po o isi tulafono feterale e puipuia ai aiā tatau a tamaiti a'oga e i ai aafiaga tumau o le soifua. Ae peitai, afai ua faaulu sau tagi i lalo o nei tulafono ma o loo e sailia se faamāmā avega o loo maua foi i lalo o le Vaega B o le IDEA, o le faiga o le faasologa o le tolaulauga na faamatala atu i luga e tatau ona fa'aoga i le tulaga lava e tasi e pei lava ua e faauluina le tagi i lalo o le Vaega B o le IDEA. O lona uiga, e ono iai ni fofo o loo avanoa mo oe i lalo o isi tulafono e fesootai ma vaega i lalo o le IDEA, ao le lautele, a fia maua faamāmā avega i lalo o isi tulafono nā; e tatau ona e fa'aogaina faiga o faasologa o tolaulauga e lē fa'aitū'au ina ia maua se fofo i lalo o le IDEA ae le'i alu sa'o i le faamasinoga.

Pili a le Loia

34 CFR §300.517; WAC 392-172A-05120

Aotelega

Afai e te manuia (manumalo) i le tagi faafaamasinoga ma na tulai se loia mo oe, o le faamasinoga, i lona lava faamaoni, e ono faia se faaiuga e aafia ma le pili o le loia i le faamanuiaga.

I soo se tagi po o se taualumaga e aumai i lalo o le Vaega B o le IDEA, o le faamasinoga, i lona lava faamaoni, e ono tuuina atu pili talafeagai a le loia o se vaega o pili i se itumalo faalea'oga manumalo po o le OSPI, ina ia totogi atu e lau loia, afai o le loia: (a) na failaina se faaseā po o se mataupu o le faamasinoga ua maua e le faamasinoga e leai se faamoemoe autu, e lē talafeagai, po ua leai se faavae; **po o le** (b) sa fa'aauuina galuega faaloia ae ua uma gaiogiga faaetulafono ua manino lelei e leai se faamoemoe autu, lētalafeagai, po o le aunoa ma se faavae; po o

I soo se tagi po o se taualumaga e aumai i lalo o le Vaega B o le IDEA, o le faamasinoga, i lona lava faamaoni, e ono tuuina atu pili talafeagai a le loia o se vaega o pili i se itumalo faalea'oga manumalo po o le OSPI, ina ia totogi atu e oe poo lau loia, afai ua tuuina atu lau talosaga mo se faasologa o le tolaulauga po o se mataupu faamasinoaga na folasia i ma se faamoemoega lē tatau, e pei o le faavevesi, ina ia faatuai le talafeagai ai, poo le faatupulaia faalētatau o le totogi o le tagi po o taualumaga.

Tuuina Atu o Pili

E tatau ona fua le pili a loia i luga o pili faitele masani i totonu o nuu ma alalafaga o loo faatu ma iai le tagi poo le tolaulauga mo le ituaiga auaunaga sa tuuina atu. E leai se ponesi po o se mea fa'aopopo e ono fa'aaogaina i le fuafaatatauina o pili na tuuina atu.

E ono lē totogia pili a loia, ma e ono lē toe totogia mai tau e faatatau i soo se tagi faafaamasinoga po o tualumaga i lalo o le Vaega B o le IDEA mo auaunaga na faatino i le maea ai ona tuuina atu se ofo tusitusia o se maliega ia te oe, pe afai:

1. Na tuuina atu le ofo i totonu o le taimi o loo faamatalaina i le Tulafono Laitiiti 68 o le Tulafono Laiti o le Faasologa o Tagi Faafaamasinoga po o, i le mataupu o le faasologa o le tolaulauga po o toe iloilo faa-setete, i soo se taimi e sili atu i le 10 aso faakalena ae lei atamaina tualumaga;
2. E lē taliaina le ofo i totonu o le 10 aso faakalena; ma
3. Ua maua e le faamasinoga po o le ALJ faapea o le faamama avega ua e mauaina e lē sili atu nai lo le ofo e faui-i-tua le mataupu.

E ui i nei faatapulaa, e ono tuuina atu e le faamasinoga pili a loia ma tau e faatatau ia oe pe afai na e manuia ma na faamaonia lou te'ena o le ofo faui-i-tua le mataupu.

E ono lē tuuina atu pili o le loia pe a faatatau i soo se fonotaga a le vaega o le IEP sei vagana ai o loo faia le fonotaga ona o se faaiuga o se tualumaga po o se faaiuga faafaamasinoga.

O se fonotaga o iugafono e manaomia i lalo o faiga o faasologa o tolaulauga e lē o faatulaga o se fonotaga o loo usuia o se i'uga o se tolaulauga po o se faaiuga faafaamasinoga, ma e lē faatulaga o se tolaulauga po o se faaiuga faafaamasinoga mo le faamoemoega o le tuuina atu o pili a loia.

E ono faaitiitia e le faamasinoga, e pei ona talafeagai, le aofai o pili a le loia na tuuina atu i lalo o le Vaega B o le IDEA, pe afai e maua e le faamasinoga faapea:

1. O oe, po o lau loia, i taimi o le tagi faafaamasinoga po o tualumaga, ua faatuai e aunoa ma se mafua'aga tatau faaiuga o le feeseeseaiga;
2. O le aofaiga o le pili a le loia ese mai le pili sa faaiugafonoina ua silia ma le totogi itula taatele masani i nuu ma alalafaga mo auaunaga tutusa faaloia e tutusa tomai talafeagai, tulaga iloga, ma le poto masani;
3. Na ova atu le taimi na fa'aalu ma auaunaga faaletulafono e tusa ai ma agamasani e patino i le tagi poo le tualumaga; po o
4. E le'i tuuina atu e le loia o loo tulai mo oe i le itumalo faamatalaga talafeagai o loo iai i le fa'aliga o faasologa o le talosaga e pei ona faamatalaina i lalo o le ulutala *Talosaga o Faagasologa o Tolaulauga*.

Ae peitai, e ono lē faaitiitia e le faamasinoga pili pe afai e maua e le faamasinoga faapea ua faatuai aunoa ma se mafuaaga e le setete po o itumalo faalea'oga le faaiuga mulimuli o le tagi po o le tualumaga pe sa i ai se solitulafono i lalo o aiaiga o le Faagasologa o Auala e Puipuia Ai o le Vaega B o le IDEA.

Faiga Faavae o Faasologa o Amioga Pulea mo Tamaiti A’oga Agavaa mo A’oa’oga Faapitoa

O loo i ai puipuiga o a’oa’oga faapitoa e tuuina atu i lou alo pe a faafoe le amio pulea. O nei puipuiga o loo fa’aopopo i le faagasologa o amioga pulea e apalai i tamaiti a’oga uma. O nei puipuiga e apalai foi i tamaiti a’oga e le’i maua ane o agavaa mo a’oa’oga faapitoa pe aafia pe afai sa tatau ona iloa e le itumalo faapea e ono agavaa le tamaitiiti a’oga.

Pule a Tagata Faigaluega o le A’oga 34 CFR §300.530; WAC 392-172A-05145

Faamautuuga i lea Mataupu ma lea Mataupu

E ono iloilo e le afaigaluega a le a’oga soo se tulaga uiga ese mai lea mataupu i lea mataupu, pe a iloilo pe mata o se suiga o se nofoaga e tuu ai se tamaitiiti (tagai ane i le faauigaga o le *Suiga o le Nofoaga e Faatonu Ai Ona o le Tuueseeseina Tau Amioga Pulea*, o i lalo), na faia e tusa ma manaoga e faatatau i amioga pulea, e talafeagai mo lou alo na solia se tulafono o amioga pulea a tamaiti a’oga.

Aotelega

I le tele faapea latou te faia foi nei faaiuga mo tamaiti a’oga e lē o mauaina auaunaga o a’oa’oga faapitoa, e ono tuueseina e tagata faigaluega a le a’oga, mo le lē silia o le **10 aso a’oga** sosoo, lou alo mai le nofoaga o loo i ai i se isi nofoaga faalea’oa’oga lē tumau, se isi nofoaga, pe faamalolo lē tumau lou alo, pe a latou solia se tulafono o amioga pulea a tamaiti a’oga. E ono faatino e tagata faigaluega a le a’oga ni tuueseeseina fa’aopopo o lou alo e lē sili atu ma le **10 aso a’oga** sosoo i le tausaga a’oga e tasi mo amioga lē pulea eseese; ae ia aua nei avea na tuueseeseina e suia ai le nofoaga e faatonu ai (tagai ane i le *Suiga o le Nofoaga e Faatonu Ai Ona o le Tuueseeseina Tau Amioga Pulea* mo le faauigaga, o i lalo).

Suiga o le Nofoaga e Faatonu Ai Ona o le Tuueseeseina Tau Amioga Pulea

34 CFR §300.536; WAC 392-172A-05146–05155

O le tuueseeseina mai o lou alo mai o latou nofoaga faalea’oa’oga o i ai nei o se **Suiga o Nofoaga e Faatonu Ai** pe afai:

1. E silia ma le 10 aso a’oga sosoo; po o
2. Ua aafia sosoo lou alo i le tuueseina ma ua avea ma faiga masani ona:
 - a. Ua silia ma le 10 aso a’oga sosoo o tuueseina i se tausaga a’oga;
 - b. E tutusa amioga a lou alo mai latou amioga i isi mataupu sa tutupu muamua na fai ma tulaga e tuuese ai; ma
 - c. O loo i ai vaega fa’aopopo e iloilo e pei o le umi o taimi taitasi e tuueseeseina ai, le aofaiga atoa o le taimi na tuueseeseina ai lou alo, ma le vavalalata o taimi ia e aveese ai.

E faamautu e le itumalo faalea’oga pe mata o se aga masani o le tuueseeseina e avea ma se mafuaaga e sui ai le nofoaga e faatonu ai e fua mai lea mataupu i lea mataupu, ma afai e te tetee iai, e ono iloilo e ala i faasologa o taualumaga faitulafono.

Fa’aaliga

I le aso e faia ai e le itumalo le faaiuga ina ia tuueseeseina o se suiga lena o le nofoaga mo lou alo ona o le solia o tulafono laity o amioga pulea a tamaiti a’oga, e tatau ona faailoa atu ia te oe le faaiuga, ma tuuina atu ia oe se *Fa’aliga o Faagasologa o Auala e Puipuia Ai A’oa’oga Faapitoa*.

Auaunaga

E manaomia e se itumalo ona tuuina atu auaunaga i lou alo pe afai na tuueseeseina mai o latou nofoaga o i ai nei mo le **10 aso a’oga pe itiiti ane** i lena tausaga a’oga i le tulaga lava e tasi e tuuina atu ai auaunaga i tamaiti a’oga e lē mauaina auaunaga o a’oa’oga faapitoa na aveesea i le auala lava lea e tasi. O tulafono faatonutonu faalea’ogaa’oga o amioga pulea e aiaia faapea i le taimi o se faamalolo le tumau, tuli ma le a’oga, po o le aveesea faafuasei, e tatau i le itumalo faalea’oga ona tuuina atu i lou alo a’oga se avanoa ina ia maua ai auaunaga faalea’oa’oga ina ia mafai ai e lou alo ona fa’aaauau ona auai i mataupu masani faalea’oa’oga, ausia tulaga faalea’oa’oga a le itumalo, ma faamae’a mataupu, tulaga i vasega, ma vaega manaomia o faauuga (WAC 392-400-610).

E ono auauai atu auaunaga e tatau ona faamautu i lou alo, pe a tuueseeseina mai i latou mai o latou nofoaga o i ai nei, i se faatulagana faalea’oa’oga e ese.

Afai na tuueseeseina lou alo mai lona nofoaga o loo i ai nei mo le **silia ma le 10 aso a’oga**, e tatau i lou alo ona:

1. Fa’aaauau ona maua auaunaga faalea’oa’oga, ina ia faapea ona mafai e lou alo ona auai i mataupu faalea’oa’oga masani, e ui lava i se isi faatulagana, ma ina ia faasolo agai atu i luma ia ausia sini autu i o latou IEP; ma
2. Afai o amioga a lou alo e mafua mai ona o aafiaga tumau o latou soifua, e tatau ona latou mauaina, e pei ona talafeagai ai, siaki o amioga e faagaioi ai, ma auaunaga toefuatai o amioga ma fesuaiga, e faapea ona atinaeina e tali atu ai i le amioga faasolitulafono ina ia faapena ona lē toe tulai mai.

A uma ona tuueseeseina lou alo mai lona nofoaga o loo iai nei mo le **10 aso a’oga** i le tausaga a’oga lava na e tasi, ma **afai** o le vaitaimi e mo le **10 aso a’oga** sosoo pe itiiti ane, **ma** afai o le tuueseeseina e le’i faapea o se suiga o le nofoaga (tagai ane i le faauigaga o i luga), **ona** iloilo lea e le afaigaluega a le a’oga, i le faatalanoaga ma se tasi o faia’oga a lou alo, e faamautu ai le tele e faapea e manaomia ai auaunaga faalea’oa’oga ina ia mafai ai e lou alo ona fa’aaauau le auai i mataupu masani faalea’oa’oga, e ui lava i se isi nofoaga, ma agai atu i luma i le ausia o sini autu o loo faatulagaina i le IEP a lou alo.

Afai o le tuueseeseina o se suiga o nofoaga e tuu ai (tagai ane i le faauigaga o i luga), e faamautu e le vaega IEP a lou alo le talafeagai o auaunaga ina ia mafai e lou alo ona fa’aaauau e auai i mataupu masani faalea’oa’oga, e ui lava i se isi nofoaga, ma ina ia agai atu i luma i le ausia o sini autu o loo faatulagaina i o latou IEP.

Faamautu o le Mafuaaga

I totonu o le **10 aso a’oga** o soo se faaiuga ina ia sui ai le nofoaga e faatonu ai (tagai ane i le *Suiga o le Nofoaga e Faatonu Ai Ona o le Tuueseeseina Tau Amioga Pulea*) lou alo ona o le solia o se tulafono o amioga pulea a le a’oga, e iloilo e le itumalo, ma sui talafeagai o le vaega IEP, na e faamautuina faatasi ma le itumalo, faamatalaga talafeagai i le faila a lou alo, e aofia ai le IEP, soo se mataituina a faia’oga, ma soo se faamatalaga talafeagai na e tuuina mai ina ia faamautu ai:

1. Afai o le amioga o loo fesiligia na mafua mai, pe sa mafua patino ma fesootai i le, aafiaga tumau o lou alo; po o
2. Afai o le amioga o loo fesiligia o se iuga tuusa’o o le lē mafai e le itumalo ona faatulaga le IEP a lou alo.

Afai ua faamautuina e sui talafeagai o le vaega o le IEP a lou alo, e aofia ai oe, soo se tulaga na ausia, e faamautuina faapea o le amioga na mafua ona o le aafiaga tumau o le soifua o lou alo.

Afai ua faamautuina e vaega o loo faamatalaina atu i luga faapea o le amioga o loo fesiligia o se iuga tuusa’o o le lē mafai e le itumalo ona faatulaga le IEP, e tatau i le itumalo ona faia vave se gaiioiga ina ia foia vaega nei.

Faamautuina o le Amioga na Mafua Ona o Aafiaga Tumau o le Soifua o le Tamaitiiti A’oga

Pe a faamautu e nei vaega, e aofia ai foi oe, le amioga na mafua ona o le aafiaga tumau o lou alo, e tatau i le vaega o le IEP ona:

1. Faatautaia se suesuega o amioga, seiloga ua faatautaia e le itumalo se suesuega o amioga i le gaiioiga ae lē o le amioga na mafua ai le suiga o le nofoaga e faatonu ai e pei ona tulai mai, ma faataatia se fuafuaga e foia ai amioga mo lou alo; po o
2. Afai ua maea atinae le fuafuaga e foia amioga, toe iloilo fuafuaga e foia ai amioga, ma fesuia’i, e pei ona tatau ai, ina ia tali atu i amioga a lou alo.

Sei vagana ai e pei ona faamatalaina i lalo o le ulutala *Tulaga Faapitoa*, e tatau i le itumalo ona toe faafoi lou alo i le nofoaga na aveesea mai ai, sei vagana ua lua malilie ma le itumalo e sui le nofoaga e faatonu ai e avea ma se vaega o le teuteuga i le fuafuaga e foia ai amioga.

Pule Fa’aopopo

Afai o le amioga na solia ai tulafono a le a’oga e lei faapea na mafua ona o le aafiaga tumau o lou alo (tagai ane *Faamautuina o Mafuaaga*, o i luga) ma e silia ma le **10 aso a’oga** soso’o le suiga o le nofoaga ona o amioga, e ono faatino e le afaigaluega a le a’oga faiga faavae o faasologa o amioga pulea i le tulaga lava e tasi ma mo le umi tutusa e pei ona faia i tamaiti a’oga e lei mauaina auaunaga faalea’oa’oga faapitoa, sei vagana ai faapea e tatau i le a’oga ona tuuina atu auaunaga i lou alo e pei ona faamatalaina atu i luga i lalo o le *Auaunaga*. O le vaega o le IEP a lou alo e faamautuina nofoaga faalea’oa’oga lē tumau mo auaunaga i lou alo i le tulaga lea.

Tulaga Faapitoa

E ono tuueseeseina e le afaigaluega lou alo i se isi nofoaga faalea’oa’oga lē tumau (e faamautuina e le vaega o le IEP a le tamaitiiti aoga), tusa lava pe faapea o le amioga a lou alo na mafua mai aafiaga tumau a lou alo, mo le umi e oo atu i le 45 aso a’oga, pe afai sa latou:

1. Auvatu se auupega (tagai ane i le faauigaga o i lalo) i le a’oga po o le tauaveina o se auupega i le a’oga, i totonu o nofoaga o le a’oga, po o i se isi nofoaga na fai ai se gaioiga a le a’oga i lalo o le puleaga a le itumalo;
2. Iloa ma le mautinoa o loo iai po o le fa’aaogaina o fuala’au faasaina (tagai ane i faauigaga o i lalo), po o le faatauina atu po o le taumafai e faatauina mai o vailaau faatulafonoina, (tagai ane i le faauigaga o i lalo), a o i le a’oga, i totonu o nofoaga o le a’oga, po o i se isi nofoaga na fai ai se gaioiga a le a’oga i lalo o le puleaga a le itumalo; po o
3. Na faao’o manu’aga tugā i le tino (tagai ane i le faauigaga o i lalo) i se isi tagata a o i le a’oga, i totonu o nofoaga o le a’oga, po o i se isi nofoaga na fai ai se gaioiga a le a’oga i lalo o le puleaga a le itumalo;.

Faauigaga

- *Vailaau faatulafonoina* o lona uiga o se fuala’au po o se isi fuala’au o’ona ua iloa i lalo o le pepa o faamatalaga I, II, III, IV, po o le V i le vaega 202(c) o le Tulafono o Vailaau Faatulafonoina (Controlled Substances Act) (21 U.S.C. 812(c)).
- *Fualaau Faasaina* o lona uiga o se vailaau faatulafonoina; ae lē aofia ai fuala’au sa faatulafonoina le faatauina poo le faaaogaina i lalo o le vaavaaiga o se tagata laiseneina tausi soifua poo le faatauina poo le faaaogaina i lalo o se isi pule i lalo o le Tulafono poo lalo o soo se isi aiaiga o se tulafono feterale.
- *Manu’aga tugā faaletino* o lona uiga o se manu’aga i le tino e aafia ai: le ono maliu ai; matuā tiga le tino; manua uiga ese o le tino; taoto e aveese poo le faaletonu o le gaioiga o se vaega o le tino, totoga, po ua maua i ma’i o le mafaufau.
- *Auupega* o lona uiga o se mea tau, masini, mea faigaluega, mea faitino, po o se fuala’au ‘o’ona, pe ola pe leai, e faapea ona fa’aaogaina mo, po o se mea ua saunia e faaoga, e faatupu ai le maliu poo le manuaga tuga faaletino, sei vagana ai faapea o lea faaupuga e lē aofia ai se naifi e tuu i le taga faatasi ai ma le mata o le naifi e itiiti ane i le lua ma le afa inisi le umi.

Faamautuina o Nofoaga

34 CFR § 300.531; WAC 392-172A-05145; WAC 392-172A-05149

E tata i le vaega a le IEP ona faamautuina le nofoaga faalea’oa’oga lē tumau mo le tuueseeseina e tā’ua o **Suiga o Nofoaga e Faatonu Ai**, ma le tuueseeseina i lalo o le ulutala **Pule Faapoo** ma **Tulaga Faapitoa**, o i luga.

Apili o Faaiuga o Nofoaga e Tuu ai ma Aiaiga O Mea na Tupu Na Mafua ai (Faasologa o le Faiga o Tolaulauga))

34 CFR § 300.532; WAC 392-172A-05160

E ono mafai ona e failaina se talosaga o le faasologa o le tolaulauga pe afai e te lē malie i:

1. Soo se faaiuga e faatatau i nofoaga e tuu ai na faia i lalo o aiaiga o amioga pulea; po o
2. Le mafuaaga faamautuina o loo faamatalaina i luga.

E ono faila e le itumalo se talosaga o le faasologa o le tolaulauga pe afai e talitonu faapea o le nofoaga o i ai nei lou alo e ono faaiu i se manu'aga i lou alo po o isi.

Tagai ane i le vaega **Faasologa o le Faiga o Tolaulauga** mo nisi faamatalaga i le faatumuina o se talosaga i le faasologa o le tolaulauga.

Pule o le Faamasino Faitulafono (ALJ)

E tatau i le ALJ ona faatautaia le faasologa o le tolaulauga ma faia se faaiuga. E ono faatino e le ALJ:

1. Le toe faafoi o lou alo i le nofoaga na aveesea mai ai pe afai e faamautu e le ALJ faapea o le aveesea o se solia o manaoga o loo faamatalaina i lalo o le ulutala *Pule a Tagata Faigaluega o le A'oga*, po o faapea o amioga a lou alo na mafua mai i aafiaga tumau o lona soifua; po o
2. Se faatonuga o se suiga o le nofoaga e tuu ai lou alo i se nofoaga faalea'o'aoga lē tumau, mo le lē silia o le 45 aso a'oga pe afai e faamautu e le ALJ faapea o le tausisia o le nofoaga o iai nei lou alo e ono iu i se manu'aga i lou alo po o isi.

E ono toe faatino nei tolaulauga, pe afai e talitonu le itumalo faapea o le toe foi o lou alo i le nofoaga muamua na iai e ono iu i se manu'aga i lou alo po o isi.

Po o le a lava le taimi faapea e te talosagaina po o le itumalo se faasologa o le faiga o tolaulauga, e tatau i le talosaga ona ausia manaoga o loo faamatalaina i lalo o le *Faasologa o Faiga o Talosaga o Taulumaga and Faasologa o Faiga o Taulumaga*, sei vagana ai e pei ona iai nei:

1. E faanatinati le faasologa o le tolaulauga ma e tatau ona tulai mai i totonu o le **20** aso a'oga mai le aso na talosaga ai le tolaulauga. E tatau i le ALJ ona tuuina atu se faaiuga i totonu o le **10** aso a'oga pe a uma le tolaulauga.
2. Sei vagana ua malilie i ai oe ma le itumalo tusitusia e faamautu ese le fonotaga, pe malilie e fa'aaoga le soalaupule, o se fonotaga o faaiuga maumaututū e tatau ona tulai mai i totonu o le **fitu aso kalena** o le aso na e failaina ai le talosaga o le faasologa o le tolaulauga ma le OAH ma le itumalo. Atonu e fa'aaauu le tolaulauga sei vagana ai ua faaleleia le mataupu i le faamalieleina o itu uma e lua i totonu o le **15** aso kalena o le mauaina o le talosaga i le faasologa o le tolaulauga.

O oe po o lau itumalo faalea'oga atonu e faamaiteina se gaiouga savili, finauina le faaiuga i se faasologa o se tolaulauga faanatinati i le auala lava e tasi na latou finauina ai le faaiuga i le lē usitaia o a'oa'oga faapitoa o tolaulauga (see *Faaiuga Mautū; Apili*, o i luga).

Faatonu i le Faasologa o Tolaulauga Faanatinati

34 CFR §300.533; WAC 392-172A-05165

Pe a e failaina poo le itumalo se talosaga mo le tolaulauga e faatatau i mataupu tau amioga pulea, sei vagana ai ua lua malilie ma le itumalo i se isi tulaga, e tatau ona tumau lou alo i le nofoaga faalea'oa'oga lē tumau a o talia se faaiuga mai le tagata ofisa o tolaulauga, poo seia maea le vaiitimi faatulagaina o le tuueseeseina, e pei ona faamatalaina i lalo o le ulutala *Pule a Tagata Faigaluega o le A'oga*, poo le a le vaega e muamua.

Puipuiga mo Tamaiti A’oga E Lei Agavaa mo A’oa’oga Faapitoa ma Auaunaga e Faatatau i ai 34 CFR §300.534; WAC 392-172A-05170

Aotelega

Afai e lei faamautuina le agavaa o lou alo mo a’oa’oga faapitoa ma auaunaga e faatatau i ai, ma solia tulafono laity o amioga pulea a tamaiti a’oga, e ono mafai ona e faatuina puipuiga o faiga faavae i faasologa a lou alo pe afai ua faamautu faapea na iloa e le itumalo le tatau ona iloiloina ma faamautu le agavaa o lou alo mo auaunaga faalea’oa’oga faapitoa ae lei aliae le amioga na mafua ai le tulai mai o amioga.

Faavae o le Iloa mo Amioga Pulea

E tatau i le itumalo ona faapea sa iai le iloa e faapea e agavaa lou alo mo a’oa’oga faapitoa pe afai, ae le’i tulai amioga na mafua ai faiga e faafae ai amioga pulea:

1. Na e tusi i le afaigaluega a le itumalo faalea’oga, poo le faiaoga a lou alo e faailoa ail ou atugaluega faapea o loo manaomia e lou alo a’oa’oga faapitoa ma auaunaga e faatatau iai;
2. Na e talosagaina se iloiloga e faatatau i le agavaa mo a’oa’oga faapitoama auaunaga e faatatau iai i lalo o le Vaega B o le IDEA; po o
3. Sa faailoa atugaluega a le faia’oga a lou alo, po o le afaigaluega a le itumalo i ni agamasani o amioga na faatino e lou alo i le faatonu sili o a’oa’oga faapitoa a le itumalo, po o i isi afaigaluega a le itumalo.

Tuusaunoaga

E lē faapea se itumalo sa silafia nei vaega pe afai:

1. E te le’i faatagaina se iloiloga o lou alo pe na e faafitia auaunaga o a’oa’oga faapitoa; po o
2. Na iloiloina lou alo ma faamautu e faapea e lē agavaa mo a’oa’oga faapitoa.

Tuutuuga e Tatau i ai Pe Afai e Leai se Faavae o le Iloa

Afai e le’i iloa e le itumalo faapea o lou alo e agavaa mo a’oa’oga faapitoa, ae lei faia faiga e pulea ai amioga pulea a lou alo, e pei ona faamatalaina i luga i lalo o le ulutala *Faavae o le Iloa mo Amioga Pulea*, e ono aafia lou alo i faiga e pulea ai amioga e apalai i tamaiti a’oga e lē o mauaina auaunaga o a’oa’oga faapitoa e faapea ona aafia i ituaiga amioga tutusa nei.

Ae peitai, afai e te talosagaina po o le itumalo se iloiloga a lou alo i le taimi ua faatino ai faiga e pulea ai amioga, e tatau ona faatautaia le iloiloga i se tulaga faanatinati.

Seiloga ua faamae’a le iloiloga, e tumau ai lou alo i nofoaga faalea’oa’oga e faamautu e le puleaga a le a’oga, e ona aafia ai le faamalolo lē tumau po o le tuli ma le a’oga e aunoa ma auaunaga faalea’oa’oga.

Afai ua faamautu le agavaa o lou alo mo auaunaga faalea’oa’oga faapitoa, faaogaina ai faamatalaga mai le iloiloga na faatautaia e le itumalo, ma faamatalaga na tuuina mai e oe, e tatau i le itumalo ona tuuina atu a’oa’oga faapitoa ma auaunaga e faatatau iai i lou alo ma mulimulitaia manaoga o faiga e pulea ai amioga pulea o loo faamatalaina atu i luga.

Faasee i le ma Faaiuga o Faalapotopotoga e Faamalosia Tulafono ma le Pulega Faaletulafono

34 CFR §300.535; WAC 392-172A-05175

E lē aiaiga vaega nei i le Vaega B o le IDEA:

1. Faasāina se itumalo faalea’oga mai le ripotia o se solitulafono na faatinoina e lou alo o loo agavaa mo a’oa’oga faapitoa i puleaga talafeagai; po o
2. Taofia faalapotopotoga e faamalosia tulafono a le setete ma puleaga faaletulafono mai le faatinoina o a latou matafaioi e faatatau i le faaogaina o tulafono a le malo ma le setete i soligatulafono na faatinoina e lou alo.

Pasi Atu o Faamaumauga

Afai e ripotia e se itumalo se soligatulafono na faatinoina e lou alo, e tatau i le itumalo ona:

1. Mautinoa faapea o kopi o a’oa’oga faapitoa a lou alo ma faamaumauga o le amiogla pulea na pasi mai mo le iloiloga o pulega sa faaoo ai le tagi o faalapotopotoga na ripotia le soligatulafono; ma
2. Pasi atu kopi o a’oa’oga faapitoa a lou alo ma faamaumauga o amioga pulea i le tele e faatagaina ai e le FERPA.

Manaoga mo le Faatonuina e Matua o Tamaiti A’oga i A’oga Tuma’oti ae Totogi e le Malo Pe a Faaletonu le FAPE

CFR § 300.148; WAC 392-172A-04115

Afai e te talitonu e lē mafai e lau itumalo faalea’oga ona tuuina atu se FAPE mo lou alo ma ua e filifili e resitala lou alo i se a’oga tuma’oti e aunoa ma le maliega a le itumalo, o loo i ai laasaga faapitoa e te mulimulitaia ina ia talosaga ai se tupe toe totogi mai e le itumalo mo le a’oga tuma’oti.

Tupe toe Totogi Mai mo le Faatonu i A’oga Tuma’oti

Afai na resitala muamua lou alo i a’oa’oga faapitoa ma auaunaga e faatatau i ai mai se itumalo faalea’oga, ma ua e filifili e resitala lou alo i se a’oga faata’ita’i tuma’oti, a’oga tulaga lua, po o a’oga maualuga e aunoa ma le faatagana pe faasee atu e se itumalo, e ono manaomia e se faamasinoga po o se ALJ le toe totogi atu e le itumalo oe mo le tau o lena resitalaga pe afai na maua e le faamasinoga po o le ALJ faapea e le’i faaavanoa e le itumalo faalea’oga FAPE i lou alo i se taimi fetau ae lei oo i lena resitalaga ma ua talafeagai le faatonu i se nofoaga tuma’oti. E ono manatu se faamasinoga po o se ALJ faapea e talafeagai le faatonu i na nofoaga, tusa lava pe lē ausia e na nofoaga tulaga a le setete e faapea ona apalai i a’oa’oga tuuina atu e le itumalo.

Faatapula’aina o Tupe Toe Totogi

E ono faaitiitia pe te’ena le tau o tupe toe totogi e pei ona faamatalaina i le palakalafa i luga:

1. Pe afai: (a) I le fonotaga pito lata mai a le IEP e faapea na e auai ai ae lei aveesea lou alo mai le a’oga a le malo, e te lei faailoaina i le vaega o le IEP e faapea o le a e te’ena le nofoaga na

faatūina atu e le itumalo e tuuina atu le FAPE i lou alo, e aofia ai le faailoaina o lou popolega ma lou faamoemoe e resitala lou alo i se a'oga tuma'oti ae totogi e le malo; po o le (b) A itiiti ane ma le 10 aso faigaluega (e aofia ai soo se aso malolo e faapea na tulai mai i se aso faigaluega) ae lei aveesea lou alo mai a'oga a le malo, e te le'i tuuina mai lau fa'aaliga tusitusia i le itumalo o lena faamatalaga;

2. Pe afai, ae lei aveesea lou alo mai le a'oga a le malo, na tuuina atu e le itumalo fa'aaliga tusitusia ia oe, i lona faamoemoe ina ia iloiloaina lou alo (e aofia ai se faamatalaga o le faamoemoe i le iloiloaina na talafeagai ma alagatau), ae e te lei faaavanoaina ai lou alo mo le iloiloga; po o
3. I le saililiga o se faamasinoga ua faapea e lē talafeagai au gaioiga.

Ae peitai, o le tau o le tupe toe totogi:

1. E lē tatau ona faaititia pe te'ena mo le lē mafai ona tuuina atu le fa'aaliga pe afai: (a) na taofia e le a'oga oe mai le tuuina atu o le fa'aaliga; po o (b) na e lē mauaina le fa'aaliga o lau matafaioi ina ia tuuina atu le fa'aaliga e pei ona faamatalaina i luga; ma
2. E ono, i le faamaoni o le faamasinoga po o se ALJ, lē faaititia pe te'ena mo lou lē mafai ona tuuina atu le fa'aaliga manaomia pe afai: (a) e te lē malamalama pe le mafai ona tusitusi ma faitau i le Igilisi; po o le (b) o le usitaia o manaoga o i luga o le a iu i se aafiaga matu'iā i faalagona o lou alo.

ALAGA'OA

Afai e i ai ni au fesili e uiga i le Faagasologa o Auala e Puipuia Ai, faamolemole faafesootai lau itumalo faalea'oga po o le OSPI mo faamatalaga fa'aopopo:

OSPI

PO Box 47200

Olympia, WA 98504

360-725-6075

speced@k12.wa.us

[OSPI – upega tafailagi A'oa'oga Faapitoa](#)

[OSPI – A'oa'oga Faapitoa – upega tafailaga o aiga](#)

O le faalapotopotoga e faatupeina e le malo o i lalo e ono mafai ona tuuina atu faamatalaga faapitoa e uiga i auunaga o a'oa'oga faapitoa i le setete o Washington:

[Faigapaaga mo Lea mo le Faamalosiau \(PAVE\)](#)

6316 South 12th Street

Tacoma, WA 98465

(800) 5-PARENT (v/tty)

imeli: pave@wapave.org

Upega tafa'ilagi: [Faigapaaga mo Leo o le Faamalosiau \(PAVE\)](#)

FA'AALIGA FAALETULAFONO



Vagana ai le nofoaga o faailoaina i se isi itu, o leni galuega a le [Washington Office of Superintendent of Public Instruction](#) o loo laiseneina i lalo o se [Maliega o Pule Tau Fatuga e Faailoa Galuega a Isi \(Creative Commons\)](#). O igoa uma ma faailoga o le kamupani o mea totino o i latou e ana pisinisi. O vaega na fa'aaogaina i lalo o le fa'aaoga talafeagai o talitonuga (17 U.S.C. § 107) o loo makaina.

E eseese tulaga faataga e faaoga a laisene ma o loo manino lelei le faailoaina i autafa o mea faapitoa o iai i mea faitino.

O leni alaga'oa e ono ai fesootaiga i upega tafa'ilagi o loo faatautaia e itū lona tolu. O nei fesootaiga o loo tuuina atu mo le faafaigofie moo e ma e le o se vaega e mafua pe ono faauiga o se maliega poo le mataituina e le OSPI.

Afai e faaogaina leni galuega, ia maitau le suiga tele ma toe faaigoa, e ala i le aveeseina o soo se igoa i faailoga o le Washington Office of Superintendent of Public Instruction. Ia faailoa le faamatalaga nei:

"O leni alaga'oa na sii mai mea faitino patino na tuuina mai e le Ofisa o le Asiasi Aoga o Faatonuga Faalemalo. O mea faitino patino e ono mafai ona maua i le [OSPI – A'oa'oga Faapitoa](#).

E tuuina atu e le OSPI avanoa tutusa e maua ai polokalame uma ma auaunaga e aunoa ma le faailoga lanu e fua i luga o le itupa, ituaiga tagata, talitonuga, tapuaiga, lanu, tagatanuu moni, tausaga, tagata militeri ritaea po o tulaga faamiliteri, itupa e matele iai e aofia ai faailoaina o le itupa po o le itupa e iloa ai, le iai o soo se mea e iloa ai, faama'i o le mafaufau, po o aafiaga tumau o le soifua, po o le fa'aaogaina o taifau a'oa'oina e taiala po o meaola o auaunaga e se tagata e iai aafiaga tumau o le soifua. E tatau ona tuusa'o fesili ma faaseā o faailoga lanu masalomia i le Faatonu Sili o Agatutusa ma Aia Tatau o Tagata Lautele i le 360-725-6162 po o le P.O. Box 47200 Olympia, WA 98504-7200.

Lolomi i totonu mea nei i le PDF at [OSPI – A'oa'oga Faapitoa – Faasologa o Auala e Puipuia Ai](#). O nei meatotino o loo maua i lomiga eseese e ala i le talosaga ane. Faafesootai le Ofisa Tutotonu o Alaga'oa i le 888-595-3276, TTY 360-664-3631. Faamolemole faasino ane le numera o leni pepa o faamatalaga mo auaunaga e sili atu le vave: 22-0005.



**ESTD
1889**

Tapenaina o tamaiti a'oga uma mo ala o galuega ma le fesootei ma tagata lautele i le mae'a ai o a'oga maualuga.



Washington Office of Superintendent of
PUBLIC INSTRUCTION

Chris Reykdal | State Superintendent
Office of Superintendent of Public Instruction
Old Capitol Building | P.O. Box 47200
Olympia, WA 98504-7200